

敬業堂詩集

函一

十

冊

敬業堂詩集卷二十六

海寧查

慎行

悔餘

杖家集

起巳卯正月  
盡十二月

歲已卯婦病沉繇為之料理醫藥入冬悼亡治喪  
又踰月始計偕北上時余年五十矣豈意杖家之  
日乃為妻杖期之日乎

四日立春

風從東來雲四散獻節重開月上澣田家占歲在新春  
已過三朝不暇懶起除雞柵掃廡宇旋拆牛宮治町疇  
去冬無雪土不膏蠶豆根拳麥苗短直憑今日占今年  
喜動桑榆一村暖野夫杖藜亦蚤出走向橋西閒趁伴



偶逢鄰叟看春還云見城門懸  
詔板鸞輿是月南巡

狩為念頻年淮泗滿宣房未築  
茭捷空畚鍤須吏庸可

緩洪流渙渙冰開後肯信吾鄉  
猶旱暵勿愁燠沐入春

無漢明帝永平四年詔冬無宿雪  
春不燠沐注云無暄潤之氣  
雨露行隨拂雲罕

### 山陰道中喜雨

謝家雙屐舊曾攜轉覺清游愛  
會稽白塢紅亭山向背  
赤欄烏榜岼東西波光拂鏡羣  
鵝浴竹氣通煙一鳥啼  
野老豈知身入畫滿田春雨自  
扶犁

### 曹娥廟

掠面飛蝙蝠當門印虎蹄我來  
尋古廟人為指新泥前

夕有虎入廟  
小市風掀瓦高江浪壑堤連宵  
巫覡喜殺盡一

村雞

上元前後里人賽社  
羣集廟中燈火最盛

上元前一日飲陶穎儒上虞縣齋

溪山漸入漸無窮短棹飄然又浙東  
載酒也應懷賀老折腰母乃累陶公  
論交世路風塵外得句春帆兩雪中

是日大雪記取山城作元夕一燈曾為兩人紅

雪後從西興晚渡錢塘江

牛車沒轂水沙渾暗長春潮二尺痕  
萬竈鋪煙沉海戍兩山銜雪束江豐  
船開渡口愁將晚月到圓時過上元  
莫負承平好風景河塘燈火鬧黃昏

宋時沙河塘燈火最盛東坡詩繁星

開河塘

十七夜會城觀燈

委巷爭除道殘燈未拆棚所難惟物力最動是民情白

屋寒堆雪紅樓夜放晴俗貧宮不諒簫鼓徧春城時萬乘

將南巡州縣承上官意比戶皆令張燈起自十三至十七夜照耀如白晝數十年僅見也

偶題

天闕竹藤緣底事偶因展卷一欵欵武成或取二三策

戰國漫誇短長書史記索隱云戰國策亦名短長書未到流傳成帝虎

不應磊落鄙蟲魚曾從顏氏看家訓何用和凝百卷餘

王應麟困學紀聞云和凝為文以多為富有集百餘卷自鏤板行於世識者多非之此顏之推所謂諗痴符也

題王松年流觴曲水圖二首

內史家風世不如流觴長記暮春初如今勝事傳來別

禊帖鐫碑換御書

紅墻新割老僧田  
鑿石穿渠又五年  
畢竟讓君圖畫好  
茂林修竹近天然

題鳴野叔趺坐圖

華髮蒼顏映白須  
列仙真個是臞儒  
一丘一壑誰能畫

留待長康自補圖

叔工畫山水

春分前三日南湖舟中口占

節物今年異  
春分尚有梅  
畫船依音岼泊  
高閣偪雲開

水郭連旬雨  
湖天昨夜雷  
莫催桃李放  
留待翠華來

時聞大駕已發京師

連雨不止獨居小樓和陶雜詩十一首但借其

韻不擬其體也



檐空有餘滴窗暗無隙塵几榻隨所設頽然置我身幸  
無俗客喧聊與書卷親溼薪爇破竈煙氣迷四鄰明明  
際陽和奈此晦昧晨寧無好桃杏寂莫傷遊人

晚色時一晴殘陽帶諸嶺參差入我牖出沒墮空景夜  
雨旋復鳴三更布衾冷漫漫失清旦未覺春晝永起望  
海岬山依然化雲影狂風卷平地水勢怒欲騁誰知倚  
樓人注目心逾靜

杖藜雖鮮適幽事亦易量盆蘭如佳人含笑新出房瓦  
盆列左右獨坐於中央泠泠風露晨宛在南山陽勿將  
明媚眼換此冰雪腸

種樹待春風花開人向老媚人以華色花亦難自保泣



然霽潦中倉卒難就燥天工詎汝惜得氣翻悔早蜂蝶  
兩不知芳心爲誰抱既開會有落茲理何足道

雙燕將來巢經營尚猶豫窺簷時下上入室互翔翥初  
如擇所依終乃訖不去烏衣亦可托寧免漂搖慮舊年  
堂上賓風雨今焉如浮塵寓天地孰者爲去住始知鵬  
鷖遊未到逍遙處區區校大小叛道吾竊懼

雨來鳩喚愁雨止鵲聲喜吐哉二鳥微鳴噪強多事陰  
晴及旱潦造物茫茫意偏勝豈必無時行偶相值但看  
雲鬢黷忽散颺如駛馳思亦何爲燥濕隨宜置

我窮不有命生理乃見迫遂令多牛翁傲人以阡陌盍  
無五斗陳甕有十月白薰然壹醉富未覺真鄉窄連宵

風雨聲夢破江湖客浮家猶見累何計成拔宅

老夫不任畊病婦兼廢桑本務既兩失衣單食粃糠莽  
蒼無所之况需三月糶連陰欲何詣却立希朝陽低頭  
爾室中跼蹐敢自傷寸田富梨棗辟穀何奇方仙人去  
我遙再拜酌一觴

人情動如潮洶洶非一端三農赴力役百賈逐貿遷因  
之惰游民狂走成癡顛 至尊軫疾苦玉食方風餐肯  
以供億繁而爲奸吏緣柔能暨遠邇義在大雅篇

異端好大言談天率無稽欺人盡龔瞞自位高嵩崖使  
讀聖賢書未必副所懷背馳去千里詎易相縫彌合之  
則兩傷不如聽其漓吾道譬暉曜潛見示角羈積陰等

薄蝕暫蔽焉能虧

海角已窮僻村中更蒼涼春流渾渾來欲濟川無梁舊  
來豆麥隴半作鼃黽鄉甘澤苟非時殺菽同殞霜詩成  
感蔚薈惡草日夜長

春分後大雪和陶連雨獨飲韻

物情向暄潤天道殊不然却收花柳姿都付冰雪間老  
梅閱世久岌強如頑仙瘦竹亦舊栽影障池南天朝來  
悉被壑天闕無後先初疑冬太暖倚伏理必還豈獨一  
黃楊百厄同閏年聞者或不察吾詩若響言

西湖櫂歌詞十首

栽松城石號花園亭剪椽毛竹織樊貪看御舟新樣

子遊人多出湧金門

御舟以櫻毛爲亭中植松竹名花園船

湖面平添積雨餘放生池外葑初除誰司水族加恩簿  
開過桃花未打魚

曼衍魚龍百戲張蜃樓幻出水中中央船頭風引三山近

方丈蓬萊望渺茫

時禁游人不得登湖心亭

滇茶紅染鶴頭殷畫檻朱欄點綴間何限兩堤花柳色

却收小景上盆山

亭臺到處羅列盆景寶珠山茶尤多

草色纔青柳未齊石函橋北斷橋西琉璃一片樓臺影

過盡笙歌十里隄

鑿開混沌著丹青落石猶疑處士星白鶴不歸梅樹老

鷺鷥飛上

御書亭



萬葉千花綴彩棚  
火蓮龜背吐層層  
不知白日長多少  
又點湖心照夜燈

漁家小女髮如油  
新向湖干學盪舟  
也道城中粧束好  
碧波回眼看梳頭

蜂喧蝶鬧奈春何  
拂面風香過綺羅  
此意少年應未會  
第三橋畔落花多

弄潮天氣中秋後  
競渡風光午日前  
併與西湖作寒食  
人生行樂趁今年

愷功侍讀扈從至杭喜成二律

夢想清遊十載餘  
此來兼得侍鑾輿  
一廚自展將軍

畫三篋行隨秘監書  
不少吟聯傳館閣  
愷功與陳乾齋南來唱和成卷



可無長策佐河渠自從南涉江淮後司馬文章世不如  
扈從風流別一家得官畢竟要清華曾衝漠北多番雪  
及看江南兩月花春服幾人還戲彩時隨相國偕行寺門無絆  
不籠紗留君暫作湖山住計日頭綱待 賜茶

南巡歌八章

吾 君盛德邁唐堯河伯波臣詎敢驕一道長虹東跨  
海不煩鞭石更成橋

沉玉搴茭事已賒十年泛泛使臣查此行直為河渠出  
望祀虛傳萬里沙

六龍南下宿遷城三月桃花浪已平多少詞臣爭獻頌  
黃河應為 聖人清

淮泗東南盡海邦  
家家羊酒壓豐杠  
綠牌曉奏知名姓  
特慰輿情一渡江

盡除鹵簿撤朝班  
耆老來迎御舫還  
為語道旁經眼

見天顏有喜侍  
慈顏

德音一日徧江湖  
百萬重聞貸宿逋  
洒道清塵皆雨露  
不因水旱始蠲租

行過山鄉又水鄉  
豆花褪後麥苗長  
翠華小駐非無  
意要使宮人識采桑

岳牧頻煩事屢詢  
屬車偶動為勤民  
從今便引虞書  
例直望君王歲一巡

眼鏡

巧製海西傳能爭造化權隙光分日月宿障掃雲煙頓  
覺生虛白猶堪續草玄一編聊炳燭兀兀慰衰年

查浦書屋圖為德尹題四首

兩磚斜日過墻遲課罷頻看桂影移此樹年來生意盡

可堪頭白話兒時

聽事東偏小齋余與弟幼時讀書處也庭有老桂一本每視樹影上墻為

放學之候今桂已為薪矣

生子還同邵伯溫

弟年四十五生子故借邵堯夫事

見爺時節恰能言

挽須問事休輕嚇直為憐渠合杜門

五十年來老弟兄暫歸也復可憐生一燈不作音江湖

夢好片對床風雨聲

藏書不過五千卷築屋只消八九楹先被畊煙偷畫藁

圖爲王石谷所寫石  
谷自署畊煙散人  
問君書屋幾時成

### 留筍

好筍如人意新梢補舊林  
汝長應計日吾老望成陰  
不礙疎籬破能令曲徑深  
咸韶如到耳風雨助清音

竹兼風雨

似咸韶黃  
伐檀句

五十生日德尹次二蘇兄弟生日唱和詩爲壽

### 次答二首

百年突過半千慮鮮得一無聞  
世或疑衰賤天所隲  
妄心雖漸退始願竟莫必  
鐘鼓委盲聾主賓炫名實  
窮爲東野鳴拙被南宮黜  
那將桑榆晚坐待婚嫁畢  
人言庚寅降賦命例不吉  
吉祥在止止虛白生爾室  
結習顧未



忘時猶弄詩筆可傳或有在老境知幾日  
蹉跎向遲暮孤露追本始自我稱鮮民餅罍久挹取有  
親養不逮具體痛瘡痕忍復把一觴覘顏對兒子稍欣  
老兄弟兩杖交頭倚分飛二十年意料不及此驕榮落  
霜葉浮慮淨棊几庶幾共殘年服食勝菊杞

池上看雨

五月蓮未華團團葉如扇亭亭不自匿一一出池面細  
雨聽無聲初於葉上見綠盤擎不定的灑珠光旋流汞  
忽一傾倒垂三尺練萍開魚影聚萍合魚影散即事偶  
成詩悠然觀物變

建蘭已萎盆中稗草叢生



誰云造物好栽培膏澤多教長不才此理年來看爛熟  
建蘭盆上稗花開

梅雨初晴

沮洳下溼生蒼苔三旬苦雨經黃梅水田萬蛤夜羣吠  
林巷一蟬晴忽來晒書亭前日淡淡打麥場上風颿颿  
鄰家作苦一相勞耘鼓正報槐花開

海塘行

邑城去海十步遙塘爲外捍非一朝去年八月塘忽壞  
洲渾崩裂隨秋潮邇來沙漲三十里魚鱉殘生差可喜  
縣官欲爲先事防倡議重修從此始人輸一石名樂輸  
石今無脛何可驅編排既須照戶籍運致仍復煩丁夫

里符夜下朝必赴田卒污萊敢申訴築塘捍海亦為民  
此事不勞官長怒公旬三日古有之向蠲力役誰所為  
吾邑戶口十萬丁丑冬縣令王某  
忽盡除丁糧每田十畝代納一丁人情已自逐游惰亦  
與三農同怨咨火雲燒空日光赤盡遣山田龜兆拆陽  
侯勸爾莫漫驕緩我塘工待農隙

暑夜

滿庭荇藻疑浮空樓陰乃在樹影中繁星沸天月將落  
銀漢中亘垂天虹夜深人靜氣一歛坐覺襟袖來微風  
波紋搖窗簾脈脈煙氣隔幃紗濛濛暑徂涼近誰最警  
露草已報吟秋蟲

餅中紅白蓮花

紅蓮頰如霞白蓮淡如雪兩皆以色故幻相紛羅列或  
云色即空紅白本無別或云空即色是紅要非白入我  
止觀中萬象隨起滅一瓶井華水眼界琉璃徹空花久  
已除此色爲誰設

秋旱四十韻

槁壤黃塵外明霞杲日西直防金被鑱頗怪火猶稽箕

畢占曾驗陰陽數不齊雄雷張旱氣其曠占云雷始起其霹靂者所謂雄

雷旱氣也雌霓散朝隰一物關災青羣情固慘淒潤希蛛網

露乾裂燕梁泥蚯蚓潛深穴蛟龍困老隄蝸涎粘壁死

鷺脚插巢棲舌燥呼羣鴨沙歎振羽雞魚噏貪涸轍牛

喘失涔蹄萍塊膠連蚌苔痕兆拆蠓涉波無白獮聒耳

厭青娣古栢俄成杌衰楊那復稊瘦針撐棘枳柔木偃

棟榭蕉碎離披卷桐孿小弱圭宮槐當晝聶爾雅守宮槐葉晝聶

夜旱草岸茨舉叢低乾曠悲荒蔚爭先任蒺藜卑雅蒺藜旱草也歲欲旱

先生旱草竹身焚忽爆花面炙多鰲是水湯同沸無岡石不

藹為時宜長養有力故排擠壞葉頻辭樹良苗半萎畦

村村拋襪襖户户挂耒犁瓶卧空依井橋長尚跨谿蝗

來疑布陣螢照儼然犀東海行枯矣南山望蔚兮更誰

施補救不過禁屠刳巫覡終難信童謡豈有倪吁嗟聽

藐藐爾雅注雩之祭舞者吁嗟而請雨瞻印日睽睽客或歌雲漢吾方

賦病梨相煎何太迫欲避奈無蹊烈燄融爐炭焦煙著

竈蛙衫絺同挾纈懲熱到吹蠶不擬開三徑因思接九



梯後漢東夷傳挹婁國土俗極寒穴居以深爲貴大家至接九梯窮於入角鼠害甚觸

藩羝晨課書渾廢宵眠枕罷攜蠅聲俄已集蚊翼詎勝  
批瘡上天難問勞生計總迷但聞風發發幾見滄萋萋  
作苦隨鄰父沉緜奈老妻更愁兒索飯早晚傍門啼

即事

老夫畏暑如酷吏逃入鄰園樹影中貪趁槐陰成久坐  
歸來衣上帶青蟲

大雨二十韻

時雨何妨驟秋陰不在多民情方缺望天意一滂沱卷  
幔聲初到傾盆勢已俄隙光飛礮礮萬籟入礮磨地潤  
雷全動風驍電突過冰綃龍挂練壅繭鳳投梭急點齊



穿屋橫流倒瀉河搜林駢虎兇劈岬徒蛟鼉旱魃駢頭  
溺天吳拔尾拖崑崙囚甫創蝮螫指非訛轉眼陰晴判  
宜人燥溼和不關居塏壞乍喜去煩苛野氣通籬落斜  
陽在薜蘿板橋閒倚杖茅舍亂堆蓑曖曖連村樹油油  
被隴禾遠煙微映竹新瀾半畝荷菱角紅將采雞頭白  
可搓蟬涼猶抱葉魚樂自跳波大有豐年象初聞野老  
歌詩成無好語改罷亦長哦

打魚歌

秋池瀾瀾瀏且平罟師撒網初無聲綠玻璃碎鏡光裂  
一尾撥刺千頭驚蛙跳蝦擲鱖鮓亂似欲去此舉族行  
豈知縱舍固有道竭澤之利吾忍爭老魚勢屈適就烹

死非其罪如韓彭弱魚力小如孩嬰分無倖理乃放生  
本來於汝何厚薄恩怨不入須忘情可憐韓子不知足  
一飽欲鱸東溟鯨終當不殺賦淨業梁武帝淨業賦見淨業之可愛與不  
殺而毋以口腹戕生成

### 曉過南湖

卧看西南落月圓  
晴色滿湖煙孤城傍水開門早  
一鷺如人導我前菰葉曉沉風外岸菱花秋淡影中天  
何當穩與漁翁約長守蘆根舊釣船時計借北上

### 峒嵒題辭

小驛三家市西京百里侯漢書地理志有司吾侯國即此河聲下淮甸  
山路入沂州瘠地人多儉殘年客善愁南飛有孤雁急

急復奚求

喜遇同年汪東山與聯轡北上

京洛三年別升沉分已殊如何偏殘臘復此共長途

山東

丁丑成進士今  
赴明年殿試

故態狂猶在名心老漸無夜寒君不飲

吾醉好相扶

除夜平原旅舍夢亡妻

分明入夢又曹騰昨歲今朝病正增倦枕爲余猶強起  
殘樽到手已難勝圍爐欵火兒烹藥薄雪鈎簾婢上燈  
誰遣荒雞忽驚覺北風茅店冷於冰

敬業堂詩集卷二十六

敬業堂詩集卷二十七

海寧查慎行 悔餘

過夏集

盡庚辰  
一年

三上南宮今復報罷家編修兄留余下榻暫緩歸  
期唐時舉子落第者六月後不出謂之過夏故以  
名集而秋冬道路之作并附錄焉

三月三日同園修禊分韻得養字

王人為胡  
循齋觀察

東風如故人隨我杖藜往紛紜閱花市過眼多塵埃小  
憇得同園初欣天氣朗王人天下士愛客致羅網及閤  
謁未入命僕駕先枉爛熳呼朋儕殷勤話疇曩一官棄  
唾涕万事付豪爽大阮亦勝流投閒攜几杖  
謂令叔  
荆菴藥



欄桃李徑拱把手培養先開委空枝密布無隙壤可憐  
芙蓉杏作態媚幽賞那知白髮翁分絕探花想八年三  
見黜得失同反掌當筵猶瑁璪所見胡不廣此生竿木  
場著屐知幾兩作詩記陳迹即景成俯仰元方輿勝覽  
大興府海雲  
寺有千葉杏二株名芙蓉杏張叔夏見  
之為填二姝媚詞園中有此花故云

題宋山言學詩圖二首

宗武學能傳杜老小坡才可繼眉山添他一卷中州集  
知已無如父子間

從今不信廬陵語窮乃工詩豈定評看取風流宋公子  
才名已占又科名

白丁香次韻三首

絕代人宜空谷幽幽香愛傍玉搔頭憑誰為解梢梢結

減我東欄向夕愁昌谷詩亂結丁香梢滿欄花向夕義山詩芭蕉不展丁香結同向春風各

自愁

滿城風雨滿天風滿地狂花只取紅獨向枝頭賞冰雪

莫欺老眼太朦朧

粉墨何當點作圖畫家真色自應殊依稀寒食梨花榭

月底看來澹欲無

愷功侍讀惠宣德紙走筆謝之二首

小印分明宣德年南唐西蜀價爭傳儂家自愛陳清欸

不取金花五色牋宣德貢牋有宣德五年造素馨紙印又有五色粉牋金花五色牋五色大

簾紙磁青紙以陳清欸為第一

九万山陰何敢望澄心百幅亦應難從今稍變歐梅例

一首詩須博一番歐陽以澄心紙百幅遺梅聖俞聖俞有詩故東坡有詩老囊空不一留百

番曾作百金收之句

戲題陳叔毅桃葉渡江圖小照二首

三生一夢坐多情謫向江湖是酒星桃葉桃根雙姊妹

可堪隨汝作浮萍

詞賦江關漸白頭倩人扶上木蘭舟殷勤聽唱公無渡

不為風波也合休

再次家荊州兄咏白丁香韻二首

誰教巧手作瓊英四出真從六出爭一夜花光如積雪

誤他啼鳥報天明

買得初從廟市回  
朱朱白白費疑猜  
只憑狡獪花兒匠  
偷取唐昌玉蕊來

上巳後五日再過同園看花賦贈胡翔菴四首  
結鄰真喜近斜街  
步屨尋春又一回  
五日重來光景換  
早花零落晚花開

山桃含笑海棠妍  
素奈香清亦可憐  
小雨乍晴晴又雨  
今年天是養花天

不用枝頭挂小鈴  
一羣嬌鳥避楸枰  
綠陰滿地花光合  
晝靜時聞落子聲

閱盡穠華到晚春  
客中吾是最閒身  
却愁有酒無錢買  
長累貧官作主人



湯西厓編修寓庭丁香花下作三首

空庭三株樹手植知何人自我見此花已閱十五春居  
停幾易主索醉不記巡今來枝逾繁出屋垂續紛花豈  
知我老我衰暗傷神稍欣舊交在白頭尚如新  
自昔有土牆界庭分背向何年始撤去樹勢乃張王花  
氣下迴廊葉陰通步障旁添一堆石小作攀躋狀遂令  
賞花人高出万花上

主人舊善病客子新下第邂逅好花前流連詎失計天  
公亦解事雲日薄虧蔽移床坐清陰落蕊時墜髻無酒  
不我酷拔釵向誰泥前言戲之耳一笑聊破涕

是日不設飲而

余與西厓俱喪偶故及之

題同年汪東山南浦送行圖時余下第將歸

踏歌相送感汪倫潭水桃花記此春指點舊年風雪路

轉憐我是獨歸人

去冬與東山相遇司  
吾道中聯騎北上

偕荊州兄過一莖庵飲香林亭下次韻四首

淺草曲徑通林深小亭伏春遊太雜杳摧折到花竹居

僧典守疎鳥雀不勝逐人間逆旅客憔悴無如僕約伴

來何遲悵焉空寓目庶將酒一斗散此愁千斛借問賞

殘紅何如對新綠

亭臺雖無多托致取澹漠尚書別業改

舊為合肥宗伯公所葺

香

火付蘭若想當經營初手自種花藥不知幾賓客來此

共酬酢前塵墮空虛餘景就頽落向人如有訴俯仰憐

病鶴

昔與竹垞翁來遊杖屨策花時不暇懶爛醉屢脫幘夕  
陽到牆西樹影相枕籍我時齒尚壯詩酒越繩尺飲罷  
興尤狂篇終疵互摘而今坐頽廢好友孰稱益賴有白  
髮兄依依尚相惜追陪恐無幾出處途已畫

詩社幸見收名場應見斥魚熊古難兼較若辨黑白細  
思百年內倏忽駒過隙蟻封看擾擾蟲語聽嘖嘖不如  
兩相忘舉殘酌花魄退之言可廢此日胡足惜

再過西厓同元朗無功文子作

宿雨曉初霽不知春淺深落盡枝上花為君留綠陰竹  
廊靜脉脉葉幌虛沉沉此中有幽致何處來鳴禽

無功索題蒹葭書屋圖用東坡寄傲軒韻

長髯作蝟磔短髯未鶯禿如何葭葦場結此數間屋看  
君用意殊瀟洒取遠俗浮名一雞肋小挫詎云辱夜枕  
夢江湖晨餐辭輦轂升沉卜諸內奚待再三瀆本非山  
澤臞肥遯在上六平生讀書意貪得肯知足傳家十萬  
籤直以腹笥蓄歸時展圖畫秋水堪釀綠荒灣一色蘆  
老圃百年木相尋知有處把卷吾已熟

題錢朝采設色花

眼見春歸可奈何一枝花葉自姍姍問他没骨圖成後  
破費胭脂得幾多

廉讓寓齋送春分韻得有字



小時逢春愛花柳逐伴年年開笑口年來年去春復春  
不料侵尋成老醜來如東門遇游女去若河橋別良友  
明知邂逅兩無端未免依違悵分手鏡中鬢髮白髮長  
上門外袞袞紅塵走曹生也是不羈徒為餞春歸召儕  
偶朱櫻紫筍憶鄉味欲致僧厨無一有失路隨余學放  
顛得錢賴爾能沽酒有情相對且沈醉万事蒼茫一回

首

與朱悔人京口一別十二年矣今春相見京師  
讀其遊匡廬武當兩集喜而有作

丁卯橋西蒜山畔江聲怒走風帆戰兩萍一散十二秋  
流落燕中復相見不怪年光逐飛電不怪青袍尚貧賤

怪君領下鬚鬚鬚點漆黥烏經百煉開箱示我兩卷詩  
元氣入筆何淋漓始知巢父有仙骨豈比岑參空好奇  
吾今老矣百事錯局促人間何處著髯兮肯賦歸去來  
隨汝名山辦芒屨

同朱悔人劉夫山魏禹平錢亮功馮文子方靈  
臯吳山崙汪武曹諸子飲徐尚書碧山堂花下

分韻得曹字

謝公別墅近城濠載酒曾陪飲興豪不料故人還客此  
猶能折柬致吾曹商量未定將歸燕時南宮報罷諸子將次第南歸搖  
落何堪舊種桃併墮平生知已淚廿年塵土一青袍

同悔人禹平雪坪崑繩文子武曹亮功集黃岡

王副相書齋雪坪有詩余繼和

三十年來培護深堦除手植盡成陰可知今日憐才意  
即是當時種樹心天近城南多雨露人從畫裏指山林  
一春兩度陪公飲自愛婆娑入醉吟

三月晦日李寅谷招同人怡園雅集分韻得登

字

帝城逐人事節物有廢興晦日尋李封吾追杜少陵衰  
賤衆所棄誰如几可憑惟有貧時交不作炭與米與君  
生同歲稍長以兄稱君弟

今弟著華余  
同年友也

即余弟鄉書昨

同徵麗正聊儻居暮景失飛騰君故得名早顏謝何足  
較七齡書擘窠前輩久服膺舉場三十載謂宜鯤化鵬

到今困韁鎖屈首似我能相國宛平公憐才異孫弘六  
館致一士翕然聲價增由來天下賢難以徽墨繩名園  
卧榻側興到便許乘花時速朋曹欄檻俯對凭葱葱万  
井煙高標見觚稜水光與樹色到眼皆鮮澄遂令塵土  
胸振步疑飛昇欲去屢回顧恍然夢遊曾西鄰張司業  
謂寄亭豪氣如陳登夜來致吾徒酒器雜斗升我飲僅小  
戶當筵醉曹曹依稀人影外籬落移疎燈明知病醒餘  
前悔後莫懲且復盡今日此歡恐難仍

方拱樞徐學人招集竹林僧房用昌黎短燈檠

歌韻各賦一首

青天不如歸路長白日不如燈燭光清談為洗煩惱毒



快比灌頂醍醐涼城西古寺竹林側濃陰正落鄰僧床  
我今已是無家客芒鞋一雙輕策策故人也復念窮途  
招向此間浮大白不辭醉倒花滿前我醉欲借精藍眠  
醉中得詩尤縱恣夢入仙山吸空翠長安齷齪胡可居  
直戀知交未能棄

吳西齋農部次前韻見貽結語云有才如此長

淪棄再登韻答之

一年暮景綫長一日暮景桑榆光曷不收身及未死

打鐘掃地居清涼

李義山云平居忽忽不樂尅意事人  
佛方願打鐘掃地為清涼山行者

生去住各有志異夢何必非同床兒童候門望歸客已  
報騎驢橫短策那堪寄食猶淹留看過銅街柳花白新

詩忽來慰眼前平沙草色荒千眠我坐無才翻自恣貧  
女何當飾珠翠感君置我盧楊間世與君平方互棄

三疊前韻酬劉若干侍御

邈父躔父兼三長十年視草同明光次公淮海特簡出

不比請郡來西涼

令弟海觀去冬由編修簡任揚州太守

先生冰銜又繼

改行且眊筆登南床寄言鳳皇池上客万事何曾由預  
策股肱耳目皆帝臣亦欲乘時少建白丈夫不退須當  
前誰能蠢蠢如蠶眠渥洼之產本奇恣孔雀回頭失金  
翠眼中衮衮見諸公不礙江湖有淪棄

四疊前韻答錢亮功

野鳧頸短鶴頸長鵠鷗晝暗螢夜光尺蠖自伸龍自蟄

敬業堂詩集卷二十一  
火鼠自熱涼蟬涼狐狸跳梁蝨緣袴觸蠻爭國蟻鬪床  
紛紛等是逆旅客瑣瑣都無善全策一枰袖手姑置之  
何暇為渠分黑白君方高詠明燈前我亦醉吟冰雪眠  
兩篇一意取自恣不拾零星路傍翠鐵槍半段試相當  
我用何妨時所棄

題梅雪坪小照

才名應不讓都官心在青松白石間直是相看兩不厭

對君兼對敬亭山

梅宣城人故云

西厓自編修改授刑垣三首

君本澹蕩人通籍久華密蓬山坐無事十日九移疾吾  
嘗從之遊仵仵勤著述門無閒造請庭有好風日本分

分莫踰讀書初願畢俄聞改言路諫草煩史筆官雖號  
拾遺袞職少缺失功名况時至建白非預必珍重千鈞  
機寧為鼯鼠發

臺省初授官半由庶吉士朝廷破成例簡昇出久次同  
館復同年六人遂居四和鳴自鸞鳳肯作鷹鷂鷲司空  
城旦書儒者通大意方當覘經術夙抱豈初試

事外易持議引喙多激昂設身處局中唯阿無一長其  
或好生風沾名事矜張快心挾盛氣一往不自量斟酌  
二者間得失恒相當語默固有道因時蹈其常先生熟  
古今茲理固細詳芻蕘述所見幸恕狂言狂

陳六謙出示漢唐以來諸石刻同張超然林吉



人朱北山項霜田家潤木分韻得氣字

吾黨陳髯老可畏書法縱橫今米芾平生致此蓋有由  
嗜古津津飫餘味南遊北宦三十載所至窮探自娛慰  
尊彝欵識拓商周篆隸銘詞藏漢魏源流了了溯河漢  
清濁離離判涇渭神專志篤物斯聚竝罄囊空窮肯諱  
問君貪得毋已奢借客旁觀似無謂髯雖不富亦自笑  
補綴叢殘寧有既老夫昨獲薛稷書宋搨唐碑傳果毅  
余近得果毅都尉李  
汪墓銘六謙極歎賞手撫拍畫弗忍釋累爾垂涎發深  
喟君家墨妙堆古香片紙何堪追髯鬚人間散軼知何  
限架上搜羅嘆猶未不如各守不貪寶但遇金銀粗識  
氣明窗小几零丁帖斜日空庭紅紫卉童子烹茶客未

歸松風正瀉濤聲沸

淮南宋射陵先生及陸太君八十雙壽詩

海上蓬山山外天老人高竝婺星懸鹿車對挽原偕隱

鳩杖同扶又十年綵袖兒曹雙白髻謂禪恭紫薇家世

一青氈滄桑眼見尋常事我識淮南地是仙

為楊次也題周兼畫

秋光澹於秋水澹於人臙脂何處著一點在朱唇誰  
識淺深意畫時良苦辛

題高巽亭怡怡園

我愛高家好兄弟才名標格兩爭奇他年離別知不免  
記取對床聽雨時

題江陰周氏女郎設色草花

野花最好是無名  
纖手親煩點染成  
吹得蜂腰比人瘦  
東風輕薄可憐生

荊州兄移寓懶眠  
衲衲籬落林亭頗饒幽致留  
余過夏歸計未成  
三章遺興并索西厓西齋共

和之

且喜全家任帝都  
未應回首憶江湖  
燕辭舊社三年王  
鴉乳新巢四月雛  
旁舍幾楹通曲折  
輕紗一障隔模糊  
君看膝上王文度  
也愛將車入畫圖

位置槎枒犖确間  
庭除小步得躋攀  
心如井底無波水  
雲肖城頭沒骨山  
三徑未成聊寄跡  
一枝暫息好乘閒

難拋載酒聯吟伴或恐花時費往還

兩株嘉樹賦婆娑老愛流光靜裏過淡入茶煙新月上  
濃交碁局綠陰多葉聲欹枕瀟瀟雨簾影搖窗瑟瑟波  
莫遣詩成傳好事和章祇許共羊何

戲題禹鴻臚入瞽圖次韓慕廬先生原韻

萬竈燒松傾漆斛輕薄紛紛畫不足一翁高坐稱瞽師

七子團團列無目自然雖無目耳未聾十事傳聞九捧腹

牛頭馬脯鬧屠肆雌霓入聲雄虹爭捲握鼎彝真贗兩詆

棋奩軸成虧互翻覆得之隋掌快呈珠失者周閑嗟喪

駮用樊南  
集中語何如混沌初不鑿大璞全真方是玉可憐多

少不盲人白日光中銜螢燭出晉書  
劉頌傳



題西齋圖二首圖為王石谷作

何計能寬索米愁一官倉庾也風流畫圖酷愛王摩詰

詩味澹如蘓密州

東坡集中西齋詩密州所作西漢以為黃州非也

世事飽諳

殊少味人生間處直須偷某丘某水依稀似留向歸時  
指釣游

買書分俸論千卷種樹成陰待十年借問膠西富桑棗  
何如潁尾長風煙天生才士定多癖君與此圖皆可傳  
獨有吾詩真被壑更無一句敵坡仙

苦雨六章

暑雨不當怨旱澇各有時我無螻蟻營趨避將何之屋  
漏苦見迫一床亦頻移昏昏醉夢間起坐渾如癡亂蛙

強多事叫跳無停機

蛙黽日以親人跡日以疎他鄉惟兩弟彼此仍索居

德尹

寓米市潤木在椿樹衙衙

乾鵲不報晴扣門得家書苦言蠶麥損正

值積勞餘寧知京洛間我亦幾為魚誰能裹飯往好友

或念余

得家書

我友鄰巷居隔絕異鄉縣六街發暴漲南北天塹限心  
知騎驢危不及挂帆便衝泥欲過之邂逅不得間却歸  
閉門坐猛雨聲連且殘燈如溼螢耿耿棲几案燈明諒  
何益吾老眼已暗

答西

眼昏晝如夜拓窗候晴暉重雲有時開晨光乍熹微陽  
烏方洗翅黯黯潛炎威矧乃燕雀曹羽短焉能飛江河

如可越與爾將同歸

黃水欲逆行清淮助流惡司空非一禹出使半臺閣似  
聞水鄉民汎汎鷗鳧若野人好奇計稍稍試疏淪中庭  
地勢窪猥以鄰為壑下流靡所放鹵莽費開鑿天心吾  
錯料靜待溝澮涸

皇天乃好雨一月月離畢太白方經天浮雲為深匿星  
躔暗中度休咎徵兩失井塌槐殞花墻傾棗垂實待茲  
晴景換秋序向蕭瑟莫怪野夫詩候蟲同一律

立秋日喜霽同九恒早過西厓是夕再同九恒  
西厓飲康飴寓用立秋二字各賦二首

呼羣起我早赴約如請急逢君下直歸竟坐不暇揖檐

飛報晴鵲袖出苦雨什日薄風進涼林深氣流溼竹尾  
亦翛然清如小童立浮生知幾見佳節豈頻集官況尚  
空閒旅懷何汲汲蒹蘆殊有味歸去吾猶及後二日余將出都  
去歲秋大雨湖洪發龍湫尋君湖上莊風燈颭漁舟得  
官豈不好坐失家山遊居鄰湯給事邸舍相綢繆落魄  
兩酒徒無端竝淹留汲井濯我足呼酒澆我喉舉頭見  
秋河大火方西流流光遽如許不醉當何求

自中元前出都舟行無詩八月初三夜渡黃河

偶爾得句索同年徐貢瑤和

坼塌河身濶茫茫失舊灘遙天挂新月一棹下奔湍老  
去才疑盡窮歸興易闌詩成聊撥觸堅壁莫旁觀



送女詞二首

九月十三日  
再入都作

嫁女事瑣屑老翁非所知母在當汝憐母没行告誰遙  
遙三千里閨閣從此離兄嫂送及門慰情多好辭勸之  
勿令哭我淚反交頤

老來百念空久識身如寄胡為未能割身外憐幼穉失  
母父向慈家貧滿餘媿長途挈之往既嫁直如棄皇天  
勞吾生遣累當以次笑指五岳期猶需十年事

時元忌  
尚未聘

秋杪重至王家營次楊次也辭間韻

十日征程滯故鄉大河西北又巖峯千家轉徙留三戶  
萬柳榮枯在一霜斷岍無橋頻待渡涸沙有犢尚犁荒  
驚心八月歸舟路夜下萑苻百里黃

治河誥

六壩塞春水溢六壩開秋水來水深河大官方高卧其一

淮之土蒲芡蘆淮之民獮獺魚刈蘆作帚魚作飯努力

與官高築堰其二一石水五斗泥濁流下灌清江低不望

黃河清但願倒流直向崑崙西其三泗亦刷黃淮亦刷黃

清流一綫河中央其四天生吾民水忍戕之以水治水惟

天子命之其五

即目

水落漁翁結網初只貪竭澤肯留餘鷓鴣鵝鵝且羣避

勿與此翁爭此魚

霜殺草

嚴霜能殺草冬日旋殺霜相殺無已時生理終不傷衰  
氣赴積陰先機兆微陽君看勾萌意松柏同一岡

旅舍落一齒自嘲二首

毀理生時具太剛焉得完平生無大嚼到此亦凋殘舌  
在柔何益唇亡想更寒長途憐弱女苦口勸加餐

沈石田齒

痛詩勸餐兒女不知難

不為窺鄰婦何曾玷薦賢春冰消最易病葉墮長先已  
落誰復顧餘存寧久堅自慙輸老馬數齒減衰年

白楊

白楊生古墓墓古鴉亦老當風叫空巢敗葉棲衆草方  
當托高蔭豈意守枯槁嗟彼種樹人悟機乃不蚤

德州道上咏霧淞花

霧隱孤城去轉遙  
曉程十里愛瓊瑤  
冰聲策策初疑葉  
雪片離離盡綴條  
纖指亂垂絃下柱  
折釵爭墮舞時腰  
最憐頃刻同開謝  
只費三竿日便消

景州董子祠

西風殘照廣川城  
董相祠邊感慨生  
官秩稍增秦博士  
文章獨闢漢西京  
醇儒豈以科名重  
濁世無如經術輕  
却笑武皇親制策  
牧羊牧豕盡公卿

大風商家林待渡

波濤動我前朔野  
何汪洋行行忽迷路  
欲渡川無梁老  
馬徘徊鳴北風  
寒且僵輕冰拆沮  
洳澹日沉輝光平生



湖海遊汗漫殊未央禦窮不有命試以一葦杭隔河見  
人家煙火靄漁莊苦辛脫彼岸樂踰還故鄉問途倉卒  
間夷險豈有常明朝難逆料聊復索酒嘗

奉題阮亭先生倚杖圖

誰與先生貌一丘柴門以外即滄洲殘霞紅上鯉魚尾  
遠水碧於雄鴨頭風定垂垂綠楊影兩餘咽咽涼蟬秋  
幾時真裹幅巾去容我來隨杖履遊

除夕過西厓齋西厓與悔人赤抒方分韻賦詩  
余以事先行續和一首

老來驚節序除夕倍相關官舍靜無事旅人猶未閒鏡  
中無黑髮枕上有青山頗怪京華道一年三往還

予今年正

月入都七月南  
歸十月再至

敬業堂詩集卷二十七



長壽寺藏書

長壽寺藏書

敬業堂詩集卷二十八

海寧查慎行悔餘

偷存集

起辛巳正月  
至四月

辛巳四月舟過吳門遇盜出都以後詩約五十餘  
首胠篋以去無一存者閒中記憶偶得十數章題  
曰偷存集

題費而奇畫水仙月季花

水邊林下各幽姿春在梅花未吐時誰替天公管正月  
一梢初點淡胭脂

題家聲山所藏趙子車修竹吾廬圖次卷中陳  
眉公舊韻



猶記年時載酒尋故廬煙雨別來深誰云阮巷分南北  
宛是吾家舊竹林

正月四日集朱悔人寓齋用郎左司鶯歸漢宮  
柳花隱杜陵煙為韻分得歸字時余將出都

遊子不得意春風減容輝家家朱門開孤雲欲誰依

以上

四句俱集前人詩

無酒肯沽我累君典春衣我行興已闌君任

願亦違千薪壓白首刺天看羣飛苦竹歲不實鳳兮宜  
忍饑素絲雖云長莫借鄰人機獨持耿耿意遲暮將安  
歸昔別踰十年後會那可幾交情重末路毋使音書稀

上元夜白溝旅店遇王文子編修

獨客歸裝薄新年酒價增平沙千里月冷市幾家燈解

近歡何極麗狂老尚能被君嗤好事題壁記吾曾今宵

入窗早去日小鬟如我長  
余五年前過此題壁詩也

### 趙北口喜晴

渙渙冰初釋葱葱樹向榮水浮雄縣動沙過鄭州輕客  
飯魚蝦氣村場鼓笛聲鄉心兼節物屈指急歸程

### 景州城外

遥遥廣川城望望十里塿連日北風多春冰開復合

有以小車載鸕鷀者戲作

鸕鷀本在舟忽作乘軒鶴大似水鄉人騎驢客京洛

### 出山

穆陵春意動農事正相催屈曲山程盡微茫野色來牛

羊乘麥短鵝鴨喜池開消息逢人問淮南正早梅

河濱墳

河濱卿相墳窀穸今幾世雨中兩翁仲對我若流涕前  
年水沒腰去年水浮髻淪胥眼中見已作駸駸勢我笑  
謂石人汝憂亦良細淮揚百萬家十室九沉瘞可憐桓  
司馬欲以堅保脆石槨三年成寧非速朽計

二月六日舟泊白田橋無功介夫兄弟招同王  
方若飲縱棹園梅花下用東坡雨中看牡丹韻

各賦三首

我來大河北青草四野無淮岸初逢春滿園蓓蕾珠雨  
氣入冰骨煙光潤苔膚池南有疎影竹杖行更扶

繞屋幾

平聲

百本出牆忽一枝一枝未全開餘寒尚相持

人情向花葉幽討及此時何當爛熳辰共賞桃杏姿

不到踰十年竹樹森然起至人漸頭白况乃吾與子

謂方

若對酒苦告歸斯言誠可鄙臨行還被肘勸我嗅花蕊

### 虎丘買草花

買笑談何易傾囊直為花憐渠兼客土伴我似浮家種  
向吳兒乞歸從野老誇瓦盆茅屋底毋乃太奢華

出都時屬禹司賓之鼎作初白庵圖取東坡身

行萬里半天下僧卧一庵初白頭詩意也余自

已未出遊計道里所經視先生奚啻十倍今白

髮且滿頭矣所居園池之東有閒地數畝擬結



茅其上而資斧適乏不潰於成輒題數語以堅  
初志覽者勿笑道旁之築也

平生好遊不知止二十三年十萬里鴉飛不到

滇中山名雁

飛迴中有勞人雙屐齒而今老矣合歸田又指茫茫兜  
率天妄想難酬成佛願把茅聊縛定僧禪

蔣樹存招集繡谷交翠堂分得江咸二韻

初來客欲迷桃陽久住君堪比石淙繡谷好風鶯歷歷  
綠陰微雨燕雙雙一軍騷雅尊前壘四僻溪山畫裏窗  
芝草坊名吾久識不緣入座始心降

山堂昨日枉華緘

前一日今叔楊孫書來留行

且緩歸程半日帆開

徑自來原屬蔣入林從此又交咸來如獨雁貪隨侶飲

似長鯨笑立監記取逃觴多謬誤淋漓酒汁在青衫

張日容匠門書屋落成索題句

五架三間八九楹重來已聽讀書聲開池疊石經營始  
鬼運神輸指顧成杜甫堂新非背郭陸雲屋老只依兄  
一庵未遂誅茅計大矣吾才不及卿余欲結初白庵至今未成

繙經集起辛巳五月終壬午九月

妄念稍萌遂成障礙自我致寇於彼何尤從此洗  
心皈釋典未必非天之全我晚境也戒之哉

陳補思聞余歸自吳中以詩見嘲次答二首

忽傳尺素到鰈魚對客開緘一笑餘道力未全宜有此  
天花已散試何如綠林豈易求知已來詩云故知豪客今逾俗豈是詩名

如涉弗白髮原應早結廬若問窮歸何事業尚逃小劫剩

殘書

老去真同半面魚見會稽志從教比目笑王餘左思云雙則比目片則王

餘長須赤脚差相稱法喜維摩總一如子敬偷存無故

物伯淮歸去有精廬繞籬添種平安竹又費東園問訊

書

讀楞嚴經二首

水土定浮沉大輪轉風火胚胎互融結大患緣有我螳

行欲右旋奈此磨盤左執持去成見所寓胡不可

塵根遞纏繞畢竟同生異如結既綰成是一要非二一

成仰方便六解當以次觀性證三空解脫亦如是

六月二十夜

幽室忽已夕有聲作雷鳴胡為乎來哉熠燿方宵行  
年耿無寐夜氣延虛明林靜風不交天空月徐生聲光  
同一寂夢覺胥忘情

德尹止一子初生時余名之曰阿願六歲而殤

三詩哭之

初生與發無窮願到此翻成有漏因汝伯為誰開望眼  
乃翁渾似哭成人誤投珠掌償前債妾冀金環認後身  
四十九年羈旅恨

東坡哭幹兒詩云五十四十九  
羈旅失幼子德尹今年五十矣

喚回

殘夢倍傷神

俞歸端為汝求師

德尹今春請假  
將挈家北上

已是秋來上學期每



為杜家誇驥子忽驚白老失龜兒愛河縱涸須千劫苦  
海難量為一慈得似旁人強相勸不禁老淚亦交垂

吾生早受多男累得子中年未算遲一慟竟成千古痛

十年重續四殤詩

十年前連喪諸姪  
余曾有四殤詩

孩提長養原非易

老大生存祇自悲借取劉郎詩作識一枝吹折又生枝

### 六月廿三夜大雨

風如車輪東北馳雨如車軸西南垂蛟龍尾焦海水立  
虎豹股栗山林移二更小劫須臾過不礙先生高枕卧  
一林竹影過牆東殘月如新剛半破

### 立秋日馬寒中素村見過

好友兼秋到新涼似病餘數莖添白髮一夢過紅葉自

笑貧逾甚翻憐迹未疎盤餐論後約手自種園蔬

雨後獨行池上

誅茅斬竹杳無期廢圃頻來為此池我與鷺鸞同照影

白頭相對立多時

陳允文見過用余與補思唱和韻作詩相投次

答二首

剝啄聲中住木魚清風來值午茶餘客嘲賓戲聊相答

失馬亡弓只自如

亡弓豈須求失馬不必涕秦少游東城被盜詩中句也

梧葉打

醒庵主夢槐花踏過野人廬留君小作須臾住省得敲

門再寄書

去意難回縱壑魚獨留詩味付吟餘舟痕契劍癡何益

麈尾拈花笑弗如尚恐波瀾生古井肯容荆棘長神廬  
口頭截斷君休問看取新抄貝葉書

窗前茶蘼秋後復發花

自從三月春歸後引蔓抽條漸出墻但愛秋來有花看  
不知中已閱炎涼

促織

草樹荒庭合何來絡緯啼夜長時斷續風引忽東西故  
傍殘燈急俄催片月低空機委墻角感物悼亡妻

德尹自妙果山避暑歸五疊魚字韻

十日齋廚聽粥魚歸來又續黑甜餘誰無痼疾難相笑  
各有風流兩不如禮斗便應朝絳闕尋僧何必到匡廬

從今分辦晨昏課我讀楞嚴爾道書余方留心內典而弟舉家持斗齋故

云云

### 病枕口占

小雨已過風颼颼老人卧病亦在樓長天又推月東出  
大火欲掣河西流秋聲蕭蕭遽如許元氣浩浩當誰收  
大千起滅了無際靜視此身同一漚

### 即事二首

俗吏讐詩客文書惱病夫吾方入蓬藿爾自養萑苻憎  
主非羣盜藏奸豈具區世情多叵測即事一長吁

萬古一碁局言平最不平獺窺魚穴靜鳩伺鵲巢成物  
性論強弱天機近鬪爭但教風作質有觸自忘情

出楞嚴經



病後過竹垞先生齋

偶因風雨宿君家  
勸枕無眠到曉鴉  
起向曝書亭上坐  
一池荷葉兩三花

東湖舟夜

夜好偏無月  
天空頓覺秋  
風兼雙鷺起  
水帶一螢流  
樹氣船船露  
燈光寺寺樓  
十年曾載酒  
落魄笑重遊

喜竹垞先生至

荒村積雨餘  
秋水方沒埭  
蛩然足音至  
啓戶蓬蒿礙  
三徑懶未除  
一牀涼可對  
先生本師事  
折節到儕輩  
我貧家少書  
倒篋肯見貸  
蒙求不嫌瀆  
過我仍捆載  
茅齋月露清  
氣壓酒盞內  
高談如赴敵  
薄病遂巡退

同竹垞德尹過馬寒中山居

馬氏好兄弟卜居傍層崖青山滿墻頭羅列如髻釵杖  
藜約朱老興到相與偕不辭步履遠及此秋光佳欸我  
非俗情赴君有奇懷筮易得酒食遂以術名齋

寒中書屋名術

既飽還讀書桐陰落空堦人生貴稱意作計殊未乖

同遊菩提寺

路轉稻花村山田間腴确肩輿入古寺墻宇半圯剝林  
高樵斧稀時有一鳥啄居僧不耐靜辛苦事詩學世界  
無寂喧心源異清濁叩余笑不答待彼迷自覺何處一  
聲鐘殘陽在樓角

補思再疊魚字韻見寄經秋乃到再次答二首

真成一往侶禽魚結習都消洗硯餘雅謔從人嘲孝本  
繆恭無令重相如雪霜頭髻秋歎帽桃李心花夜照廬  
好是兩鰥同嬾病半年初答暢當書

投我三章比梵魚初機未契且留餘法門猛叩無方便  
疑網重開有譬如萬劫黑風迴客夢一輪白月到吾廬  
此中何句堪酬對翻怕匆匆索報書

立冬日小飲

枕囊秋夜長檐齒冬日短人生如病瘧寒暑遞流轉黃  
葉墜空庭疾於九下阪鏡中好顏色去我不少緩百念  
委昨非一閒就今嬾床頭酒新熟吾量殊易滿小飲即  
頽然西窗有餘暖

吳船花燭詞為談未庵賦十首

蘇臺人說是瑤臺銀燭光中寶扇開便把重陽當七夕

分明昨夜渡河來

佳期在重九前一日

小住吳門又幾旬蓬萊清淺話前塵多憑一念回仙意  
憐取當前背癢人

自從踏鼓罷朝天辜負香衾四五年萬頃煙波誰管領  
只消一隻五湖船

紅槎碧落記程程博望歸來別有情

時未菴初自河工歸

畢竟有

星難替月鏡奩秋讓一輪明

兩槳如輪夾畫艫水沉風細不開窗鴛鴦湖外鴛鴦鳥  
排到前溪盡作雙



敬業堂詩集卷二十八  
洒墨含毫色色工玉臺唱和有人同風流白石真堪笑  
但解吹簫伴小紅

取次園林放擢空兩頭絃管不教隨費他幾管生花筆  
曉畫蛾眉夜和詩

不用攜家傍斗邊頻伽好語自能傳齊眉新注長生籍  
知是蓬萊最小仙

曾趨粉署殿東廂雞舌猶餘舊賜香好唱新翻新樂府  
賀新涼是賀新郎

消磨綺語已多年色界重生兜率天借取薰衣香一瓣  
馘余成佛爾成仙

題永福寺詩僧得川詩卷

蜜殊不作參寥沒湖上詩僧久寂寥頗訝名山虛法器  
忽傳逸韻繼江潮招呼猿鶴隨孤磬收拾煙霞貯一瓢  
倘許往來成二老借余閒地結團焦

得川登前韻從余問詩法戲答之

唐音宋派何須問大抵詩情在寂寥細比老蠶初引緒  
健如強弩突迴潮閒來謹候爐中火衆裏心防水面瓢  
不遇知音彈不得吾琴經爨尾全焦

次韻題施翼聖東荒田舍圖

宛轉溪橋有徑通竹梧新長屋邊叢市聲只在牛羊外  
吹散蕢洲一箬風

壬戌秋自黔中歸張遠子游爲作槐陰抱膝圖

辛巳冬至夜偶一展閱感歎之餘自作二絕句  
附諸君題詠後

夢中惘恍豈無夢身外依稀別有身道是故吾吾不識  
那將顏狀問他人

二十年來共唱酬詩名曾向卷中收故交大半已黃土  
剩爾人間作白頭

題朱楫師所藏顧咸三畫羅浮五色蝶二首

山中木葉尋常化野老籬邊作伴遊驚見畫圖新樣好  
夜來高枕夢羅浮

問渠多有幾銖輕栩栩能傳紙上聲好笑虎頭癡獨絕  
欲將蛺蝶占時名

德尹久留杭州有卜居西溪之意歸來以詩索

和次韻二首

野外橋邊水竹村不曾移徑改籬門一冬雪少疎梅綻  
百里人歸喜鵲喧耕織終當課奴婢田園豈易委兒孫  
卜居河渚原先志重與殘年對榻論

三間老屋任東頭怪底仍如不繫舟但使年豐還俗儉  
何妨弟勸且兄酬窮奢志願求偕隱勇退風期望急流  
待得手栽黎棗熟他時相對且忘憂

寒中次前韻見寄再答二首

煙火依依十里村也如對宇望衡門桑榆候暖差空晚  
鷄犬聲凡亦覺喧萬事爲農長沒世一經失計又傳孫



空花眼界原無定此境須從靜者論

門開甘露此峰頭夜半誰能負壑舟忍鎧力持俄破戒

箭鋒機鈍已難酬鴻濛世界憐搏土香象江湖要絕流

肯與維摩同丈室本來無疾更何憂

寒中久不作詩忽為余兄弟觸發次

章訊余從事內典故仍用禪語為答

馬素村疊魚字韻見寄八疊前韻

拙於鳩更懶於魚百念俱灰白髮餘已覺浮名原假設  
未知禪味究何如隙窺野馬紛無主粉蝕爪牛累有廬  
炳燭光陰君錯料只圖遮眼不看書

再疊卜居韻答素村二首

我愛郎家半日村碧池一眼正當門魚龍得氣時方蟄

鵝鴨如雲凍不喧三徑居鄰惟二仲  
兩家婚媾到諸孫  
棧羊篩酒何年事五岳遊須次第論

造化茫茫命壓頭諾星何處證般舟  
一身有母尤應惜  
四大無恩可要酬叔寶神情非俗士  
孝章才氣本名流  
村場酒賤須勤置相勸休為織室憂

來詩有不自釋者故以此廣之

十二月十六日雪同德尹作

野濶朝煙未起廚一行老樹帶鴉枯  
海天勢合山加峭  
水墨痕消畫亦無醉指松筠誇我健  
戲搏獅象駭兒愚  
何當便作堅牢玉長與先生映白須

歲杪有感三疊卜居韻示德尹二首

西枝覓地豈無村栗里歸來尚有門  
巢鵲占風聊自穩

山蜂割蜜為誰喧賣薪分老朱翁子負土深慙祭弟孫  
此意旁人應不諒家貧何事敢輕論

一回相對一回頭往事真難記刻舟勘破官情成汝懶  
放低詩格待余酬煖憑爐火迴陽氣靜送冰溪過湫流  
白髮蒼顏還自笑年來方欲治幽憂

十疊前韻答寒中二首

勿將磊落笑蟲魚冰雪崢嶸又歲餘彈罷孤絃聲寂若  
鑷殘衰髻影皤如小槽酒滴鄰姬甕古篆香消佛子廬  
漸覺心平無怪事不勞咄咄向空書

曾思大海掣鯨魚牙後誰甘拾唾餘蕭索輪囷吾若此  
飛揚跋扈爾何如孤燈吐燄虹搜僻萬木無聲雪壓廬

最後兩篇尤奪氣免冠應謝不中書

早春謁座王清溪徐公席上賦呈

以下  
壬午

開遍梅花薄雪餘春來重擬昇籃輿十年風月吟難盡

師自甲戌春歸  
林下將十年矣

百里溪山畫不如慧業種將成佛後精

神強似挂冠初一莊荒後無他宅天護先生萬卷書

南  
陔

草堂去冬  
被火故云

不到西湖四年矣壬午春分前三日與鄭春薦

### 同遊感賦

多年不赴故人期湖上風光異徑時紅杏橋欄遊冶騎

綠楊亭檻

御書碑劉郎前度花誰主杜牧三生髻已

絲口業粗償殘債盡尚煩君記權歌詞

已卯二月曾作  
西湖棹歌詞十



二首已失其藁春  
薦頗猶記憶也

贈楊遠卿年伯二首

麈尾犀株借美談  
直從公府指潭潭  
將軍大樹移關右  
太守名花載日南  
長見恩光留卓午  
最宜風景是春  
三多緣難穩  
東山卧五馬  
行看益兩驂

茱萸灣口蜀岡南  
勝事年來一倍添  
九曲晴波春縱棹  
二分明月夜鈎簾  
門前祭戟連昆友  
膝下才名起孝廉  
謂同年  
曉先漫說黃金曾鑄印  
世家原自重牙籤

立夏日同年顧書宣招陪座主徐公泛舟紅橋  
歸憇天寧精舍看牡丹座主有詩恭次原韻

濛濛柳絮風  
淡淡櫻桃雨  
孤城迤邐盡  
一水沿洄渡  
此

都洵繁華里俗鄙淳素橋迴彩鷁轉石亞朱欄互何期

寂莫遊復此陪杖屨時來感節物境往餘詩句不到今

九年甲戌初夏隨公南歸曾過此依稀記前路家家好亭館恨不留

春任有如別故人臨去屢回顧勿嗟春向晚千載猶晨

暮獨喜松栢姿恍然仙者遇先生近於仙術有得耆英舊同社雲

散星布濩興發偶重來神清獨如故濤江不能限塵土

詎能汚佳景際清和名花賞修嫵將車弟子職繞膝孫

曾趣時任可父子俱隨侍叩道發羣蒙會心歸一悟晒劉藉糟粕

卑庾工詞賦白日為公長蒼顏為公駐願從千日醉媿

托十年樹

兒建新任束鹿縣令將挈諸孫赴署先寄詩二

首

得邑滹沱上孤城深晉間初聞猶恐誤相慰始開顏汝  
性差宜僻吾來亦愛閒畿南風土好不礙少溪山  
隱德凡三世微名爾倖成家聲關不細民社寄非輕廉  
豈沽名具卑宜近物情譬如行萬里安穩視初程

中元後三日渡河題王家營旅舛

潦退河孺與岍平舊題詩舛半欹傾北袞莫笑今年蚤  
頭白羞偕計吏行

舟過寶應喬無功以家釀見餉今日旅舍悶坐  
聞楊次也在清江浦欲邀與共飲而為風雨所

阻

故人貽我喬家白欲喚楊郎共醉眠生被大河橫截斷  
雨昏風惡渡無船

客舍喜晴

茅舍欣初霽征途悶久淹河聲秋易壯日氣午仍炎異  
俗全家駭空囊十口嫌兒孫頻問事繞膝挽吟髯

觀无忌與祖騎驢戲作短歌

兒童生長便舟居眼中不辨騾與驢牽來信口以馬呼  
上下左右須人扶一日駛馘防不虞兩日妥帖稍自如  
三日脫轡膽氣麤趨捷意將誇老夫老夫年當三十餘  
從軍遠走西南隅露青竹鞭生馬駒徑渡鳥道如莊衢  
豈知今來衰病俱髀肉消盡臀無膚前瞻後顧悔識塗



曷不歸去勤耕鋤看牛舐犢雞哺雛平生不識馬新息  
據鞍矍鑠何其愚

重興集題壁

昨去因逃水今來未算家巢林無定燕啄地有饑鴉風  
折青蒲葉籬高紫萸花涪蹄如可活猶聚兩三蛙

峒嶠田家

雷鳴田種占城稻

田無水利者為雷鳴田見欒城集占城旱稻不資水而生見宋史

不

信人間有水荒見說今年猶苦潦可憐井底是淮揚

秋山曉行

忽從山麓上山椒忽轉山腰路一條露草燈明雞喔喔  
風林月黑馬蕭蕭行人曉起偏多伴古渡秋來未有橋

正是新涼好天氣喜逢霽色又連朝

汶河大石橋六月為大水所壞亂流鞭馬而渡  
怒水衝橋斷崩沙壅石平亂流風勢急到岼馬蹄輕直  
怕秋多雨偏宜晚放晴路難頻却顧盡室歎長征

晚至堵莊

淺草依頑石纍纍似伏羶羣兒嗤嚶俗久客解方言犢  
放斜陽岼鴉盤早穫村趁虛人散盡冷落近黃昏

磨驢行

山家養驢供磨麥石縫隨身落輕雪前遮兩日後被鞭  
步步團團踏陳迹用東坡詩中語君不見雕鞍玉勒紫金羈暮  
越朝燕掣電馳八百里牛千里駿等為人役莫相疑

旅僻見錢亮功徐學人唱和詩戲次其韻

年來漸喜識生涯  
讀罷楞嚴讀法華  
共道子綦初喪偶  
豈知靈運久忘家  
行依古佛賢千劫  
笑閱人情鬼一車  
寄謝杏林雙燕子  
維摩別自有天花

蒙陰縣南十五里早飯豆花棚下

荒溪曲折凡三渡  
草屋欹斜只半間  
不負一餐留客坐  
豆花棚下看蒙山

黃河厓大水斷路由董樹口晚投苦水舖

黃河故道久揚塵  
驚見狂瀾限鬪津  
已是泥塗又陰雨  
載濡馬首况車輪  
野航待渡如湏友  
村落初經屢問人  
可但平原成畏路  
此來何處不逡巡

初入東鹿境

衡水橋邊路西來小邑偏人家多瓦屋沙陸少閒田露  
白收棉後秋紅支棗天鄰封紛水旱容易得豐年

八月十五日鹿城對月偶閱樂城集有中秋次

韻子瞻夜字韻二詩即次其韻一示兒建一寄

德尹潤木信庵諸弟

陸川城中連日雨草橋霽色空今夜滹沱南徙故道存

疑有蛟龍伏潭下城南草橋之下滹沱故道水面團團月

東吐城頭灑灑河西瀉空庭置酒荇藻間古栢高槐互

相亞廿年塵坌今已紈此夕清涼天所借吏曹初散不

聞呼好客能來何用謝人言僻縣少公事我愛閒居似



村舍不教僮僕課雞豚聊與兒孫給梨蔗一杯對飲要  
無愧九折驅車終可怕平生慣被醉尉嗔但恨未逢劉  
四罵

曾聞海賈海上言萬里陰晴同此夜可憐南北各相望  
片月東升日西下少年狂飲不論命欲卷黃河向身瀉  
今來滿盞輒不勝甘讓人豪退居亞感時紀物行自歎  
裘敝囊空復誰借忽見關榆葉互凋懸知庭桂花應謝  
清光過眼如流汞故國回頭真傳舍豈無白酒配黃雞  
苦憶紅菱兼紫蔗壯年離別初不覺此日羈遲老尤怕  
何當歸作玩世翁肯以文章供怒罵

習射吟

朔野秋早寒枯楊北風橫朝來見獵喜欲試角弓硬分  
棚無舊侶努力行復更稍辨良窳材粗諳燥濕性兒童  
視遊戲君子覘德行嚆矢壯先聲雕翎鼓後勁持盈詎  
非力入彀終有命一勝何足矜相形乃知病從禽遇多  
詭反已鵠必正技小道亦存年衰心少競聊為習射吟  
庶比良友諍

重陽日一畝園登高同德尹作

一笑相從亦偶然勞生誰料再遊燕黃花濁酒憐佳節  
老樹空庭感昔年對榻翻牽連夜夢登高獨欠故山緣  
只應鴻雁如兄弟不忍分飛便各天

敬業堂詩集卷二十八

[Large dark smudge or ink blot covering the text in the middle section]

麻

無

理

敬業堂詩集卷二十九

海寧查 慎行 悔餘

赴召集

起壬午十月  
終癸未五月

赴召紀

恩詩 并序

欽惟我 皇上聖德神功遠邁千古薄海內外含

生戴性之倫無一民不被仁恩無一物不沾麗澤

巍巍蕩蕩謳頌難名屬者黃河底績 鑾輅南巡

警蹕無聞輕裘減從買載不遷夫市肆畊犁不輟

乎農郊回陽春於青霜白雪之辰駐宿衛於部屋

茅簷之下無非勤求邳理念切民依 臣東海鰕生

偶客畿輔竊聞 駕涖德州方與田夫野老抃舞



歡欣共効昇平之頌乃今十月十七日直隸巡撫

臣李光地傳

旨召

臣趨赴行在

臣即於

子克

建束鹿縣署中星馳就道匐伏宮門伏念

臣齟齬

失學壯歲居貧年逾四十始舉於鄉三上禮闈未

成一第自惟賦命蹇鈍寸進無階幸逢堯舜之

君自甘畎畝之樂不知微賤姓名何由上達聞

命之下慙慙徊徨罔知所措敬賦紀恩詩二章

恭呈御覽可勝惶悚之至

聖謨平土奏安瀾

詔舉時巡萬國歡桐鼓無聲傳過

輦場功初畢候鳴鑾

恩波先沛三春雨瑞雪都忘十

月寒微賤不知天上事謳歌遙向彩雲端

睿藻紛纒布九垓麗天雲漢竝昭回

是日大小臣僚御書數

幅觀光豈獨臣鄰喜就日爭隨父老來作息自安歌帝

力旁求何幸及凡材祇應 聖主同元化雨露沾濡到

草萊

二十日 召赴行宮 欽賜御書程子視箴一

幅恭紀十六韻

警蹕除黃道周廬列紫垣勤民同舜禹邁德媿羲軒戶  
安淳俗人人覲 至尊萬幾多暇豫八法自騰騫龍  
鳳爭跳蕩虹霓互吐吞祥光昭法象健體協乾元揮霍  
風雲勢涵濡雨露痕堯文紛煥采宓畫久窮源徧渥奎  
章賜仍傳 詔旨溫頒來皆琬琰捧出盡瑤琨下逮慙

孤梗殊榮荷 九閭瞻天初見日學古莫窺藩箴守儒

家說書驚 御筆援祗承雖往訓敬凜即 王言拜舞

隨寮案珍藏示子孫傳家何以報世世頌 君恩

三十八日 召試南書房自此奉旨每日入直

屢下南宮第俄聞秘閣開一經雖舊習六論本非材宋時

秘閣試六論不敢他途進終慙 特召來平生無夢想今日

到蓬萊

與揆愷功學士同試南書房感舊成句

天上青雲客人間白雪翁交新 雙闕下話舊十年中

詩讓揮豪速文慙起草工宋時秘閣試論至蘇子瞻始起草 薦賢名偶

玷慙愧躡追風是日召試十二人欽定愷功第一余第二

南書房敬觀 宸翰恭紀 有序

康熙四十一年十一月初八日 上御乾清宮發

御書一千四百二十七幅命大學士 臣張玉書

吏部尚書 臣陳廷敬工部尚書 臣王鴻緒副都御

史 臣勵杜訥右諭德 臣查昇展閱分類以備 頒

賜 臣慎行亦得隨諸臣後仰瞻 天日之光洵有

生之奇遇人世所罕觀者也欽惟我 皇上天亶

聖姿日新盛德法乾行之健殫 聖學之勤業懋

功純光華炳耀深宮無逸游藝入神自真書以及

行草由小楷以至擘窠或臨倣諸家或親書 聖

製有美畢萃無體不兼此雖古來專工八法終身



矻矻自名一家未有如是之多而且精者而臣於  
拜觀宸翰之下仰見我皇上神功聖德冠絕  
千古者更有蠡測焉伏讀御製北征凱旋諸詩  
廟謨獨斷勝算萬全首惡伏辜餘寬祝網闢版圖  
未闢之地臣史策未臣之邦我皇上宏猷偉畧  
冠絕千古者其一也伏讀御製巡視河工省方  
問俗諸詩奠九有以救寧恐匹夫之不獲萬姓已  
共安於耕鑿一人恒自處於先勞遂致湖海安  
流黃淮底績我皇上仁民阜物冠絕千古者又  
其一也伏覩御書大學聖經一章旁至往喆先  
賢格言銘序抉其精微摘其奧義采諸儒之懿訓

成昭代之典謨獨於程朱二子則不書其名我

皇上崇儒重道冠絕千古者又其一也伏覩 御

書於晉魏六朝以逮唐宋元明諸臣名蹟無不手

撫心賞要皆棄所短而取所長集古今之大成爲

帝書之第一而紙尾必署云臨某某書我 皇上

聖不自聖冠絕千古者又其一也 臣一介微賤遭

逢盛事千載一時舞蹈謳吟自不能已譬諸秋蟲

春鳥生覆載之內亦知鳴天地之恩恭賦七言絕

句十二章以紀榮遇謹拜手稽首以獻

玉檢初開五色煙淋漓元氣滿中天 宵衣旰食無多

暇更洒雲藍十萬牋

咫尺丹霞映玉清  
觚稜日射八窗明  
忽聞風雨來天半  
知是君王落筆聲

一畫真成萬世師  
捧來千幅更神奇  
銀河直與宸居  
接無數蛟龍起墨池

金薤銀鈎結構新  
看入聖又超神  
即論藻采輝煌色  
萬古羣推第一人

鏘合珠連琰琬垂  
豕蝨應難測管  
難窺欲知伐叛安民畧  
看取親書御製詩

遠自鍾王溯褚虞  
百家一一手臨撫  
兼長迥出專家上  
要令諸臣奉楷模

霞蔚雲蒸露未乾  
盡收造化入毫端  
萬鈞腕力皆天授

欲補虞戈一筆難

良工巧匠日礪磨

淵鑒新鐫勝永和  
不似當年淳化

閣帝王法帖本無多

朝退香煙護

紫宸御床緗帙展  
佳辰綠雲新斲松花

硯特撤文房賜老臣

書訣原從王敬來  
數行

御札日星開  
可知筆正由心

正入直多聆

聖訓回

鳳翥鸞翔勢莫攀

皇恩次第及千官

九重日月無

私照有目皆容仰  
面看

禁庭纔到便沾榮  
深愧無才答

聖明強作蕪詞比  
謠

諺

堯文魏煥本難名



冬雪十二韻

朔候連三白同雲匝萬家縱橫迷地軸灑汗極天涯樓閣高逾見簾櫳薄易遮漸從疎處密忽向整時斜老柳飛揚絮枯梅頃刻花氣沉千里雁寒噤幾村鴉暗掃遺蝗種潛滋宿麥芽逢年先應瑞是玉必無瑕積厚光搖海平鋪勢展沙歲功資醞釀春事踵繁華灞上吟情遠山陰客棹賒意中餘好景留作畫圖誇

為泗州李蒼存題秋穫圖二首

築屋不羨蕭貫之種松莫學杜子師西風吹熟半黃稻又是牛健鴉嬌時

淮南第一山邊住

泗州南山米芾以為淮山第一山

渦口十年長苦饑

家書昨日報秋獲勸爾有田胡不歸

奉題大司寇新城公荷耒圖

君臣際會唐與虞文章政事誰不如東家司寇魯大儒  
品望獨與經術俱晝日三接寵賚殊城南甲第輝御

書帶經堂顏公手摹復以繪畫煩鴻臚

禹之鼎

眼前浩蕩

生江湖歸夢曉落扶桑隅齊州九點青模糊万木陰陰  
猿鳥呼春山欲雨雲作膚風帆亂走隨鷗鳧村深岍轉  
帶渚蒲綠楊如煙際平蕪中有一翁行荷耒我公豈是  
山澤臞神仙標格蒼眉須朝衫野服兩弗拘良田二頃  
宅一區人生此境何可無虞廷當時少此圖盛事缺載

臯陶謨

蠶尾山圖再爲新城先生賦三首

依然小泊洞庭旁，公自扁舟興不忘。  
試向東山看月出，繞身三十里湖光。

勿論石室與金庭，盡裏迴源別有亭。  
七十二峯遮不斷

添蠶尾一痕青

曾見趙松雪惜華秋色圖  
蠶尾一峯青出羣山之外

千秋讌籍記東平，天寶詩人舊有名。  
從此人間長見畫，故鄉山水屬先生。

送楊旣明倅廬州兼寄張建陽太守

薊北冰霜動早梅，淮南驛騎已先催。  
春帆路轉藏舟浦，堠館花迎教弩臺。  
名郡風流輸半刺，世家子弟羨多才。  
桑枝麥穗君游政，何術能資佐理來。

擬玉泉山大閱二十韻

地闢丹稜泝天開裂帛湖連岡環北極列曜拱中區鞬  
譯銷氛氣風雲蓄 睿謨不忘神武畧獨握帝王符吉  
日將差馬先期已祭疆桓桓齊步伐肅肅選車徒野曠  
金鉦轉沙平玉帳鋪 一人躬靺鞨九校勇馳驅鵝鶴  
知兵法龍蛇入陣圖雪光明組練寒律勁雕弧憶昨三  
犁候 親征萬里逾行間走英衛麾下拔孫吳撻伐聲  
靈在韜鈴將相俱詩人賡虎拜士氣動山呼振旅時方  
暇回 鑿日未晡殊威宣遯土罔軌坦經涂典禮因時  
舉櫬槍掃跡無武功雖再纘文德久覃敷用邊昭無外  
周防戒不虞煌煌太平業磐石鞏 皇都



盆中二咏吳元朗齋分賦

一尺筍篸種低抽碧玉簪近人差免俗待汝幾成林不

少交加翠終輸瑣碎金若為鞭橫逸移向小庭陰細竹

不隨千樹暗東坡梅花詩江頭千樹春欲暗只似一枝斜愛入詩人閣

難忘處士家帶苔移客土傍火發唐花就我生春色依

依感歲華早梅

賦得歲寒堅後凋十二月十五日御試入直詞臣奉旨同作不用應制

體

物性終難改天行歲有常平時滋雨露晚節煉冰霜鶴骨清添勁龍鱗老變剛鬱葱生意在寒律總春陽

集汪東川祭酒齋賦得風潮泊島濱即次祭酒

原韻

森森停征權茫茫失遠汀雲隨風脚黑天偏浪頭青碧  
石驚難定影沙駭未經直疑蜃氣化孤島似浮萍

奉和

聖製咏雁恭次原韻

立春後一日

不戀江湖濶仍為北嚮鴻羽毛知自愛一一待春風

恭和

御製為考試歎原韻

十二月二十三日  
考試各省學臣奉

同作

聖主嚴科詔

御製詩為  
科場作

深期積習更憐才程玉律警俗

發鐘聲既往應知悔將來勿任情欽哉奉  
明命勉矣

立修名

早春喜雪

二十六日應  
皇太子令

同雲迴合曙光中恰喜占年兆歲豐三白連繇餞殘臘  
六花翔舞向東風映空有色高逾見到地無痕暖漸融  
好借渡江梅柳意亟裁詩句報春工

彤庭雪霽

二十七日應  
皇太子令

瞳瞳霽色啓黃扉瑞靄遙生旭日暉白玉堦墀增皎潔  
丹霄臺殿倍光輝融成雨露滋仙境化作陽和滿帝  
畿共喜太平真有象宮梅苑柳漸芳菲

雪後與楊耑木編修步入後左門

淨洗東華十丈塵曉來聯袂向楓宸誰憐舊日聞鷄  
伴又作殘年踏鼓人

除夕前一日晚出東華門口占示錢亮功

未許騎官馬誰能借蹇驢人憐三黜後自歎二毛初  
曉入蛩兼駈昏歸步當車崢嶸冰雪裏草草歲將除

京師與德尹守歲用少陵飛騰暮景斜句爲韻  
各賦古詩五首

勞薪無停輪弱羽宜退飛與子各衰晚初心尚依依  
川流日夜東造化一逝機去者既不返來者終安歸  
百年幾寒暑一夕毋相違

庭除帶積雪門巷餘殘冰雪後冰尚堅寒光互稜層  
照我頭上髮射我窗上燈我醉兩不知流光兀騰騰  
桑榆有餘暖忍凍非汝能

寥寥夜向晨冉冉歲云莫豈無一樽酒惜此佳節度  
雕



盤飴肥烹彼嗜非余慕  
餅罌貯旨蓄義取咄嗟具天明  
有朝叅飽啖黃蘗去

壯歲輕別離東西浪驅騁  
迴思疇昔事過眼須臾景  
明詔歛見徵浮蹤合萍梗  
半生參與商此夕形隨影再  
拜感君恩官似居鄉井

兒孫在畿縣兄弟居京華  
計里五百餘相望如袞糾一  
門盡旅食老境終思家  
此時山中梅苔枝應已花  
吾方作歸夢街鼓幸緩擗

癸未元日 乾清宮早朝

三陽景運翊佳辰紫極傳來  
詔旨新雙闕倚天晴帶  
雪千門銜日曉除塵金爐香引朝元路銀燭光分待漏

人親見堯莫初吐葉 龍飛四十二年春

朝會樂器歌

康熙四十二年正月初二日入直南書房蒙 恩賜觀樂器編籥一

鼓二鐘一黃麾一嶺一篪一柷一祝一退朝恭紀以詩

雲門咸池及大章制作肇自炎與黃後來韶夏繼濩武

聲容綴兆遙相望或去象功或象德宮懸一一傳太常

洎乎秦漢寢失古器雖尚在意渺茫儒生好事強傳會

蒼龍朱鷺安揣量流傳往往入樂府遂薦郊廟登明堂

豈知元音關運數出與盛世鳴光昌 國家功崇德深

厚上有 堯舜垂衣裳八風從律星應紀亭毒四序昭

三光 一人穆穆慶交泰多士濟濟歌元良朝乾夕惕

日不足庭燎繼問夜未央肅雝臨保本家法儼覩列聖

於羹墻化成久道治累洽民返太朴仁風翔懷柔河岳  
指帶礪撫馭畿甸巡遐荒北清狼望罷斥埃南拓鰲背  
開封疆圓顛方趾悉受吏丹磬白雉爭來王麒麟在郊  
鳳巢閣不貴異物夸禎祥太和之氣彌宇宙正賴雅樂  
爲宣揚吾君神智况天縱聖學孰測淵源長精通  
緯數窮亥步博極典墳追羲皇黃鐘累黍辨清濁太簇  
截竹調陰陽文成雲璈扣金石詩就月窟諧宮商伶官  
却立衆工伏御製親授協律郎豈惟神人胥悅豫兼  
采法曲收遺忘每逢朝賀必合樂左右羅列東西廂  
臣昨承恩預元會握衣肅拜丹墀旁拓黃帕瞻黼座  
近咫尺頰首心徬徨廣庭雪花開萸萸朶殿日氣暎樽

桑乍聞鈞天動九奏縹緲散入爐煙香始終條理何暇  
晰但覺盈耳聲洋洋歸來惝恍疑夢寐曾辟一夜聆鏗  
鏘明朝詔許觀古器始信大樂非絲篁編鐘編磬列  
篋簾楹鼓田鼓齊輝煌旌麾竒綵繪螭虎簫管逸韻含  
鸞凰塤箎祝敵狀各異据圖考證殊難詳天生耳目不  
虛聳帝錫聞見開聾盲虞廷當日傳搏拊鳥獸應節  
猶低昂幸逢昌期邀異數及與百爾偕趨蹌歡心不覺  
同率舞拜手敢謂希賡颺矢詩遂歌記盛事萬年願  
奉南山觴

恩賜砥石山綠硯恭紀十韻

扁石登

廊廟良工費網羅出應逢

盛際名始著岩



阿養璞埋雲霧呈材仰琢磨潤流花上露青刷雨中荷  
眉子殊難匹陶泓詎足多祇宜供 玉案敢望 賜鑿  
坡染翰 恩長被含毫分已過拜嘉誠異數榮捧竝詞  
科彩筆濡雙管險糜試一螺便應焚舊硯涓滴浥餘波

初四日雪中隨 駕赴西苑夜宿自怡園賦呈

揆愷功院長二首

出城三十里飛鞚不曾停萬樹忽凝素一峯猶翠屏渡  
橋欄宛轉漱石水清泠共識 皇情豫新畬二麥青  
獵獵風欵帽颺颺雪點衣林塘迷野徑燈火候郊扉東  
閣新詩好梁園舊客非

謂西漢東江

白頭憐我在至性似君

稀

雪後與聲山紫滄同直 暢春園二首

西山帶雪高寒光際青天晨曦照積素萬木中含煙手  
把右丞詩羣峰當我前幸無塵事擾兼以忘新年

宛宛紫界墻苑門開向東直廬在小東門內 窅然深山意近在

十步中林鳥已春聲細泉生遠風澄懷適有會咏嘯何  
必同

上元前三日自怡園觀燈上相國兼呈院長二

首

碧香新試上元筩 詔許名園續舊遊下直一行同繫  
馬入門幾步便移舟 宮中詩句元才子天下神仙李  
鄴侯兩世 恩光皆眼見得陪賓從也風流

二分明月一分燈引入仙山第幾層  
洞口煙霞濃似染雪邊亭榭暖如蒸  
林疎竹密參差見逕轉廊迴取次登  
却向江湖回白首十年重到夢何曾  
自癸酉以後不到十年矣

連日賜 御饌恭紀

不識 天厨味頻驚出大官調和從翠釜珍重對金盤  
腹儉捫應愧 恩深報漸難翻防饑朔笑待詔得加餐

十四十五夜 召入西苑賜觀煙火恭紀七言

絕句八首

閣道中分十里墻西山西繞 御園長夕陽消盡千峯

雪別吐紅雲捧 玉皇

不夜城邊宛轉通廣場千步望玲瓏欲知九曲黃河勢

只在仙人一掌中

宮鴉飛盡暮天青  
百萬燈如百萬星  
併作晶瑩光一片  
忽從銀海湧松亭

火齊珊瑚竝陸離  
山光林影互參差  
靜無人語來天上  
微覺風搖五綵旗

布置高低儼列墉  
朦朧初被白雲封  
流星一綫飛空去

匝地漫天盡燭龍

孟浩然詩  
門觀燈詩  
蘄門看火樹疑是燭龍然

百道金蛇閃苑城  
湏臾萬鼓助砰鞀  
誤疑雷電前山起

勤政樓頭月正明

綵棚高架起鰲山  
銀燭光騰霄漢間  
寧壽宮中扶輦出

太平天子奉慈顏



敬業堂詩集卷二十九  
三  
虬箭聲遲玉漏中年年行樂與民同詞臣好紀并平事  
簫鼓連宵報歲豐

恭祝 萬壽詩十二章 有序

竊聞純禧永錫篤生有道聖人景命長新弘啓無  
疆曆服詩歌嘉樂先推之保佑天申書行疇圖必  
極諸康寧壽考既誕膺夫繁祉自久享夫歷年欽  
惟 皇上體天行健如日之升質文持五運之中  
道法冠百王之上嘉祥咸萃統元會而保合太和  
尊號弗居屏顯榮而敦崇實政推虞帝協中之  
化欽恤何啻再三師夏王補助之仁蠲賑動盈千  
萬澤流漳滏則畿輔安瀾功奠淮黃則東南底績

舉曠典於時巡時邁播鴻慈於養老養賢凡茲德  
意之覃敷悉本精神之強固歲惟協洽日在降婁  
欣逢 聖壽之期適符大衍之數於時和風翔洽  
化日舒長騎竹兒童識 天顏於過輦扶鳩白叟  
瞻佳氣於 回鑾由勳舊以逮懿親自文臣以及  
武衛獻三多之祝稱 萬歲之觴莫不慶溢山呼  
歡騰虎拜臣慎行草莽陋質僻左孤踪遭遇 聖  
明召依禁近臣之蒙 恩拔擢視多士爲獨優臣  
之感 德頌颺較羣工爲倍切用敢不辭媿鄙敬  
托謳吟葵知向日冀俯鑒夫寸心莫幸生階思仰  
酬夫大造云爾

瑞靄凝 丹陛祥煙擁 紫宸 萬年三月節四海一

家春禮樂調元化謳歌屬 聖人敷天多望幸特為舉

時巡其一

睿慮周遐邇 皇猷冠古今堯階三尺土舜樂五絃琴

德自重熙洽 恩沾壽考深萬方均樂育帝謂本無心

其二

見說山東叟欣觀德化戍蠲租憐歲儉賜粟惠春畊不

息 天行健無私 帝好生活人餘百萬軫郵荷 皇

情其三

翠岫三千丈崔巍上岱宗金泥除漢策玉檢陋秦封旗

拂天門樹雲開日觀峰仙山留五老擁蓋候 飛龍其四

鑿輿親閱視河水正平隄西受清淮弱東趨滄海低一

條鋪練帶千里亘虹霓永紀隨刊績朝宗萬國齊

其五

川岳懷柔日乾坤奠麗中安流歸 聖算平土奏神功

桑柘連村遠來牟入望同不教傳 警蹕到處聽呼嵩

其六

一覽江天濶長流 聖澤深晴霞開海面埽火照波心

御墨蛟龍勢仙韶鸞鶴音扶桑占喜氣來往快登臨

其七

春水江南路 巡遊紀昔年觀風來海嶠問俗上吳船

淳朴安畊鑿繁華輟管絃 天顏知有喜康阜勝從前

其八

千頃頗黎色重爲 明聖開宸章懸日月 睿藻煥



亭臺桃李乘時放煙波拂權來湖山真有幸直作小蓬

萊其九

秦淮民望切歸路又重經二水春流碧三山爽氣青香

煙迎不斷翠輦過還停愛戴心如一爭看萬壽屏

其十

宵旰勤三事清廉勉六曹與民同後樂為政必先勞

優詔辭尊號回鑾沛雨膏先一日大赦魏魏功德在峻極

孰爭高其十一

地久天長運河清海晏期九如爭獻頌三祝竝摛詞謏

陋叨殊遇顓愚仰聖慈自慙同小草依托上林

枝其十二

新荷西苑作

幾處葉田田池塘未吐蓮托根來  
上苑濯質自清泉

扇拂煙波動珠承雨露圓魚知游泳樂爭聚畫橋邊

三月二十六日分賜南書房入直諸臣瓶中

牡丹臣慎行得鞞紅一朶恭紀

扶桑初旭暎瞳矓聯步晨趨入直同  
紫闥恩光連上苑

彤廷芳氣襲東風人來漢殿鶯花候春在  
堯天

雨露中五色雲端親捧出仙葩爭看一枝紅

四月初四日 殿廷對策恭紀

朱衣前引向 彤庭黃紙封頒出  
御屏仗外煙霞成

化雨是日午後微雨螭坳燈燭聚春星天人理要窮三策章句

儒多守一經不是 皇仁均造物搏扶容易徙南溟

初七日 太和殿傳臚恭紀

九霄臺閣九重城臚唱親聽第四聲余名在二甲第二 自比蓬

麻資灌植羣欣燕雀荷生成雲開闔闔趨冠珮風過江

湖識姓名宋劉季孫詩日出唱君 從此酬 知須努力

勉承鞭策赴王程

初九日 恩榮宴恭紀

竊祿官廚已半年余自去年十月奉召入內廷 紅綾重對曲江筵生

逢 聖代誠何幸老傍科名又自憐杏葉鞍名 杏園同駐

馬雁行雁堦總隨肩綠槐樹底叅差影猶記花黃六月

天禮部廳事前槐陰特茂 諸進士宴席分列其下

恭和 御製初夏新晴較射

淑氣迎新夏 華駟出曉晴 隔花初樹鵲穿葉不驚鶯

月滿開弓勢風高應羽聲誰知 聖人意耀德本無爭

十五日 保和殿引見 欽授翰林院庶吉士

恭紀

蛾眉班押候 臨軒未有涓埃報 至尊特許奏名來

玉陛不教待詔老金門文科報國慙臣分宦牒同朝戴

主恩 臣胞弟嗣璵翰林院編修族姪昇左春坊左諭德 葵藿有心知向日願從

瑤島結孤根

十九日 午門賜鈔恭紀

頻垂旅橐走關山一第俄登蓬閣間遂有朱提分 少



府頓令寒士動歡顏  
宸章舊沐華  
謙重去冬在德州  
賜御書

程子寶硯曾叨綠玉頒  
今年正月蒙賜  
今日眾中還

視箴賜殊榮稠疊冠清班

二十日 文廟釋褐恭紀

數仞宮牆霄漢連  
兩楹俎豆故依然  
曾陪鼓篋三千士

重到橋門二十年  
余自甲子五月入國學肄業  
末學豈增科目重非

才特荷 聖人憐較他  
儕輩蒙 恩早獨在青衫未換

前

二十一日赴 暢春苑謝 恩恭紀

初著宮袍拜 禁林碧梧翠柳望成陰可知 聖主裁

培意即是天工長養心千頃池邊看鼓鬣萬年枝畔聽

鳴禽從來日月無私照一物含光感自深

送高江村先生南歸即次紀恩六章原韻

物望羣瞻進退間先生風度杳難攀  
神仙骨勝留侯健帷幄功高李泌還  
却眺白雲懷子舍長憑金鏡駐恩顏

鮑照詩孤景留恩顏

君臣名分家人誼禮絕平時供奉班

承明出入兩周星紫炁遙瞻傍九靈  
一代龍門示模楷同時虎觀奉儀型  
賞留瓊島看花宴道在青箱授几銘  
連日宣傳尤絡繹天潢舊學重傳經

家書天上喜開函無恙春風報布帆  
人以新陰艷桃李

天教晚節護松杉一門四世皆餘慶

時遇單恩正一品官在任者例得

馳封四代公方養母乞歸得邀恩例實異數也八座三年特改銜  
去任到公

真綽綽

王恩前後總非凡

西苑門東竝歇鞍自聞高唱和皆難疎簾捲雨吟紅藥

畫閣傳香賦牡丹

以上皆記同直西苑事

一字褒增華袞重萬間

廣被布衣寒江湖不放滔滔下有力能迴既倒瀾

丹梯百級上

丹墀獨藉文章結

王知去國光陰移

綠髻向陽花木發華滋

奎章再錫歸裝富

優詔頻

頒飲餞遲此意旁觀猶感涕那教身受不生悲

曾聽邸舍話

金鑿敢望天衢振羽翰門外忝隨新立

鵠巢痕猶認舊棲鸞

恩濃晝日看三接夢繞鄉園感

百端直擬臨歧論後約好收朝跡共追歡

四月二十三日

分賜西苑入直諸臣

御書

扇臣慎行得 聖製泊舟惠山詩恭紀八韻

珍重傳宮扇輝煌徧直廬 賜當清景下頒及午風餘

應候知開闔無塵待掃除未秋涼已襲纔夏暑先驅

駐蹕留佳咏分行灑 御書恍疑泉到耳真覺翠浮裾

墨氣生濃淡煙光動卷舒終身懷袖裏長似拜 恩初

謝 賜玻璃眼鏡二首

五月初一日

玉比晶瑩鏡比圓一時披豁觀青天明珠吐暈泥沙外  
燭火分光日月邊名紙尚堪題細字秘書仍許對新篇  
此生視息真何幸雙眼摩挲敵少年

霽月光風在 紫垣海西佳製 賜頻煩

漢書注鄭重猶言頻煩也

潭空秋水清無底壺貯春冰薄有痕絕勝金鏡除脛膜



不須藜杖照黃昏曾經隔霧看花後老戀餘光盡

王恩

端午日西苑 賜饌恭紀

天上天中節初晴景物鮮榴含將放蕊葉擁未開蓮菰

黍縈宮綫光一日蒲觴撤 御筵 恩波真不淺長傍

鳳池邊

賦得夢破蓬窗雨奉 睿旨不用應制體

明燈初爇酒微消倦枕扁舟夜次寥楓葉橋邊看漠漠

蘆花風外聽瀟瀟一天雲氣沉孤雁兩岼灘聲長暗潮

喚醒江湖十年夢起尋歸路尚迢遙

題少宗伯孫樹峰前輩扇頭榴花

丹砂染出鶴頭紅畫稿移來禁苑中似與天工諧暖律  
年年開候應薰風

王麓臺前輩爲余畫扇自題其後索同直諸君

和

萬樹鳴蟬水一隈西山驟雨過輕雷看君老筆如并剪  
割取浮嵐暖翠來

潞水歸帆圖爲諭德姪賦

日長如年暑未徂丁丁晝漏傳宮壺直廬直伴一事無  
開卷示我歸帆圖三竿秋水六幅蒲小船放溜如飛鳧  
浪花遠吞丁字沽綠楊拂岬交紅芙蓉舟中之人疑可呼  
掉頭徑欲歸來乎君恩未許賦遂初田園有路去尚

紆作詩聊取償宿逋勸爾且勿思尊鱸

瀚海石歌奉 旨作

瀚海出國門亭埃萬有餘 君王神武勤遠馭伐叛特  
欲安邊隅歸來玉斧畫大渡屬國東西一都護羈縻不  
設甌脫間何者能邀 至尊顧異哉有神物產自此海  
濱遠從開闢混疆礫直到海底今揚塵女媧補天煉五  
色散落人間人不識年深道遠莫致之瓊寶仍爲天上  
得 禁林過雨山蒼然綠窗窈窕生紫煙越羅蜀錦開  
什襲 詔許重陳玉案前內官捧下 通明殿耀眼平  
生驚未見碧嵒奇氣畜風雲銅鏤飛芒繞雷電七星挂  
斗何煌煌六十四象隨圓方綺霞縠霧錯采章白蟬自

白黃琮黃或如荔垂枝又如榴拆囊或如鏡留影又如  
芝植房或如犧牛角繭栗或如蝦蟆入月頷頤張或如  
青螺或紋蛤或如馬肝止血瘳膏盲或如珊瑚出網丹  
出鼎松脂出地琥珀凝堅光賦形寓色靡不肖化工之  
巧盡洩無留藏臣聞積水類生石瑟瑟波搖紅韎鞞潮  
淘汐戰廉角平蜃吸鰲吐光怪發黔中白鷺洲貴州思  
南府有  
白鷺洲文  
石絕佳文登彈子窩在登州蓬萊閣下  
海中見蘇軾集偶披千萬遇  
什一毓秀孕靈能幾何孰如此石來自遐荒外磊砢英  
多殊可愛攜來共指前席珍采處曾蒙後車載石兮石  
兮汝豈無知空抱質顛盼恩深同剪拂回思萬古委  
泥沙方信聖朝無棄物



寄祝汪韋齋年伯七十壽時官鞏昌郡丞

宦跡中經四郡移姓名曾達 九重知神仙路指青牛

道風月吟寬皓首期愛酒每傾鸚鵡蓋生兒多集鳳皇

池謂武曹日文升昆季頭銜特為 馳對換歷守還 朝算未遲

奉 旨免赴教習廳賦呈院長揆公

第二廳前逐隊過北扉咫尺接鑾坡 詔恩已免春秋課

館職猶充弟子科顏魯公詩魯國今從弟子科變白果能生黑否少陵詩余

髮喜却變白出藍其柰謝青何北史李暹傳初師博士孔璠後番還就謚請業同門生語

間生黑絲回思東閣傳經地老廁門墻媿自多云青出藍藍謝青師何常在明經

敬業堂詩集卷二十九

敬業堂詩集卷三十

海寧查 慎行 悔餘

隨輦集

起癸未五月  
抄盡十二月

元時避暑灤京百官皆有公署今惟詞臣數人耳

癸未五月 大駕將幸山莊先十日傳 旨南書

房翰林六人俱著隨行六人者諭德臣昇編修臣

廷儀臣名世庶吉士臣灝臣慎行臣廷錫也臣壯

履自請隨班亦預焉始而行宮檢書既而圍場觀

獵往返計百二十日每有所作輒呈 御覽附以

入冬後詩共為一卷

將隨 駕往口外避暑蒙 恩賜紗葛衣二襲

恭紀

垂柳陰中畫卷幃微軀宜稱襲 恩輝行穿碧水丹山

路先 賜含風疊雪衣 杜甫端午賜衣詩細葛含風軟香羅疊雪輕 涼逐冰

絲分繭館香隨葛越出星機序更不用愁刀尺預算秋

深扈 蹕歸

五月二十五日隨 駕發暢春苑晚至湯山馬

上口占四首

雨餘沙磧淨無泥瓜蔓秧針綠滿畦共識 君王愛民

意村村駐輦看扶犁

閒按輿圖考地名承平畿甸古長城 昌平山水記長城齊天保二年所築

詞臣頻日承宣喚 特許班隨豹尾行

軍裝小隊走弓刀年少曾親鞍馬勞老去承恩還自

媿重蒙 天上賜征袍

炎景當空日正長潺潺湯峪水如湯泉源萬斛皆天澤  
化作人間六月涼

是日赴 東宮召觀灑 睿筆口授書法兼蒙

賜扇恭紀十六韻

天縱 儲君聖英資曠古奇毓成龍鳳德學本帝王師  
几硯無他玩宮庭脩幼儀就將猶勉勉敦敏倍孜孜  
鶴禁時多暇 鑾輿出每隨幾曾疎筆墨直是好文辭  
羲畫傳家法堯章煥丕基書多呈 御覽 恩許侍臨  
池訣發千秋秘工兼八法宜銀鉤光絢爛金璫象紛披



腕力由神運，心源絕仰窺。難窮惟贊嘆，過望是榮施。  
寶篋承華重，仁風被物慈。述書徒續賦，應教愧成詩。  
朝爽襟先挹，秋涼袖早知。驪珠長在握，宸翰並昭垂。

一月前蒙 皇  
上頒賜御書扇

賦得綠樹陰濃夏日長

二十六日 御試  
講官題 臣亦擬作

高倚層霄俯映池，綠陰陰處日遲遲。  
晴穿密葉蟬初翳，暑薄交柯鳥未知。  
曲徑煙分蒼蘚潤，重樓人靜畫簾垂。  
炎曦只隔深林外，似戀清幽不肯移。

二十七日隨 駕發湯山

涼殿東來御路平，金輿八襲正徐行。  
雲從萬疊峰頭出，風逐千群馬尾生。  
甘澤祇應歌盛世，醴泉何用草新銘。

抽毫進牘慚臣職納鉢親隨第二程

懷柔道中遇雨是日駐蹕密雲

七渡河邊過綵旂坡坨高下入檀州午陰側帽消朱夏

細雨垂鞭似早秋地險一軍資障塞開元要畧云密雲燕之邊陲管障塞

千軍五時清三輔奉宸遊庠音提奚父老爭扶杖隔歲重

攀翠輦留方輿紀要後漢曰僂奚魏皇始二年置密雲縣治提携城臣按續通典檀州密雲縣

卽漢庠奚縣舊治僂奚與庠夷音本相同魏書遂譌為提携當以漢書為證

賜觀御書大學經傳恭紀二十韻

昭代文明啟吾皇政化隆熟精洙泗理大闡聖賢功

胞與周民物幾康謚始終一經神默契十傳語全融堯

典推明德湯盤視被躬孝慈為世則好惡與人同異說

歸淵鑿群儒仰折衷欲令聲振鐸端賴筆杼虹心法  
由誠正書源本貫通學難窮秘笈勤不輟行宮滌硯龍  
窺沼揮毫鳳舞空淋漓雲氣外披拂柳陰中星斗天垂  
象山泉帝發蒙教傳先胄子前一日書成先賜東宮展閱寵示  
逮臣工偏黨消皇極維持長士風頌應徧豐序澤自被  
西東睿藻光何煥王言義必充卷終有御製跋語道宏該  
創守力厚闢鴻濛羲畫傳同遠箕疇演並崇煌煌治平  
業萬古照蒼穹

登密雲城樓

第一封畿此要衝兩城宛轉合長墉風生溫谷油油黍  
黍谷在懷柔密雲二縣界漲走潮河矯矯龍井底炊烟沉石匣天西

積雪射居庸

志稱居庸為冷關積雪盛夏不消

八荒戶闥今同視笑說

秦關百二重

石匣營

已廢金溝館猶存石匣營濛濛空翠裏細雨濕霓旌

恩許扈

蹕諸臣戴草笠

臺笠都人制黃冠野服姿直疑雲覆頂不怕雨催詩涼  
燠俄能換陰晴兩自宜從臣齊戴德美蔭荷 皇慈

過南天門初見邊牆明徐武寧所勅戚少保重

修者也

勝國留遺築危梯極望收萬峰乘障起一水入關流形  
勢當全盛邊牆免歲修太平輸鎮將裘帶取封侯



柳林喜雨呈同僚

高柳垂陰漸近關

地在古北口南三里

炎蒸疑在有無間解衣脫

帽

君恩重下馬分題客况閒枕底雷生南澗雨城頭

雲起別州山朝來擬草甘霖頌才短羞隨供奉班

六月初四日扈駕出古北口

太行蜿蜒二千里七十二劫連首尾東趨遼碣西冷陁

留幹一門屹中壘

古北口一名留幹嶺見金史

巨靈擘石如擘雲雲

根俯插黃花軍烟氛突過掃無迹風雨欲來天半聞出

關彌望神州壤

六飛清暑頻來往高墉已斷山不斷

無數芙蓉列仙掌川迴岡轉輦路長涼亭舊驛今村莊

元時避暑沿路多涼亭賜東西涼亭軍士糧鈔見文宗本紀帝獵北涼亭見趙世延傳明洪武二十七年置古

北口十四驛猶存  
東涼亭驛之名  
禽魚共識  
天顏喜草木中含  
御

氣香小臣多年客  
燕代夢想何曾踰  
紫塞自詡遭逢老  
更奇停鞭飲馬長城外

塞外山

已被雲遮百萬層  
又從雲外見峻嶒  
翻緣山好添惆悵  
未得峰峯策杖登

兩間房直廬作

隨班番直又晨興  
金鑰銜魚轉數層  
延閣日長無箇事  
坐消清簟一壺冰

初六日奉旨編輯歷代咏物詩恭紀四首

宣文小閣秘書  
延閣圖書取次陳元周  
伯琦咏宣文閣詩句  
雲霧牕中點

勘初 聖主不曾遺小物莫輕爾雅注蟲魚

儷白駢青句已陳篇章何處發清新盡携中秘隨行笈  
三篋何煩默記人

日日珍羞出大官雉羹魚糝水精盤丹鉛未是酬知地  
聊與風人解伐檀

曾披圖籍考山川 聖訓真同象緯懸文選樓高重拜  
命敢同輕薄議前賢

初伏日 睿賜時果木瓜酒恭紀

帳殿爐烟合周廬霽景長人間正初伏塞外已新涼珍  
果當筵 賜芳醪洗盞嘗 恩波承少海一勺詎能量

行過青石梁

天豁新開嶺鸞旗曉向東古藤攀石度絕壁過雲通鳥  
啄槐花雨蟬嘶榭葉風林巒行不盡長在畫圖中

駐蹕鞍子嶺連雨驟涼

複磴中涵金碧姿小青山外蹕初移愛迎嵐翠晨趨直  
貪傍燈明夜咏詩泉脉曲通行帳外雨聲渾似滴篷時  
水晶宮殿清涼國傳語人間總未知

賦夜光木

積水生神木俄登几案旁四時無改火五夜必騰光近  
暎藜輝淡遙分桂魄涼頓教虛室白臨卷勝螢囊

御賜武彞芽茶恭紀

幔亭峰下御園旁

武彞山下有御茶園元時貢茶地名

貢入春山採焙鄉



曾向溪邊尋粟粒

蘇軾句武夷溪邊粟粒芽

却從行在賜頭綱雲蒸

兩潤成仙品器潔泉清發異香珍重封題報京洛可知

消渴賴瓊漿

連日 恩賜鮮魚恭紀

銀鬣金鱗照坐隅烹鮮連日

賜行廚感踰學士蓬池

鱸唐時學士賜食蓬池解鱸

味壓詩人丙穴腴

元虞集詩魚藏丙穴腴

素食餘

慚留七箸加餐遠信慰江湖笠簷蓑袂平生夢臣本烟

波一釣徒

陸龜蒙詩笠蓑袂有殘聲

送勵南湖前輩奉

旨歸省尊甫少司寇公病

橐筆經時共直廬何堪絕塞唱驪駒乍看請急情辭苦

特許還家

恩遇殊客夢不離丹嶂遠鄉心已與白雲

俱最憐一掬酬恩淚并為思親灑路隅

塞外蝴蝶應宮令東

羅浮仙種幾時來金粉天生不染埃忽見一雙同照影  
始知隔水有花開

十六日五更隨駕發鞍子嶺行至三道梁天

始明

金壺虬箭響登登霽月流天景漸澄谷壑一重環翠幙  
雲移雙仗識紅燈風輪暗激飛梁轉松頂遲看旭日升  
滿篋織絺長什襲此來何處有燠蒸

十八日駕幸釣臺召臣等隨行賜膳釣魚

恭紀七言絕句八首

挿天碧嶂起芙蓉路轉潺潺又幾重百頃風潭雷雨過

萬魚啣尾候 真龍

高臺俯瞰樺榆溝指示灤河最上流記得銀絲鱸鮮鯽

欣從塞外識源頭已刻上御樓召臣等五人至臺下指臺下流水諭曰此灤河上流也

魚藻池邊 輦路平直隨仙仗到蓬瀛官廚初飫紅蓮

飯 御饌仍分碧澗羹午刻蓮米飯 賜御饌紅柳根魚羹

芳餌循環下釣筒絲緡長日侍 青宮烟蓑雨笠尋常

句慚愧猶蒙記憶中午後奉旨翰林諸臣赴皇太子行帳釣魚臣前謝賜魚詩有臣

本烟波一釣徒之句 舉以示近侍并記以志愧 東宮

山莊一帶並河孺人衆如魚盡力田要與周詩占吉夢

早開塲圃待豐年

一條羅帶水拖藍只少漁舟着兩三滿眼丹青輸畫手  
鶯聲柳色侶江南

文鱗躍處起漣漪水族沾 恩感聖時不是網罟施不

得為留餘澤及鯢鮪

佳名原自柳根來

魚名柳根赤蓋柳根之色  
赤此魚好噉柳根故名

釣得仍將

柳貫鰓分賜詞臣三百尾插竿騎馬雨中回

賦得遠色有諸嶺限二蕭

應宮令 東

誰寫丹青向碧霄參差入望勢徧遙烟光澹處疑無樹  
日氣生時似湧潮飛鳥不能踰嶂外橫雲只許抹山腰  
分明有路行難到知隔天台第幾橋

二十日 行殿召對出至直廬內侍復傳 諭



臣慎行云汝子在東鹿縣居官甚清朕已稔知  
感 恩述事恭紀二首

已注金閨籍仍叨顧問榮 睿容瞻肅穆 天語聽分  
明轉益臣心懼難窺 聖學精行宮清秘地不異侍延  
英

穉子慚民社能忘舐犢私未成期月治驚荷 九重知  
清白原家法生成仰 聖慈家書連夜發矢報勉捐糜

恭和 御製立秋喜霽

聖主如天惠澤周與民同樂每先憂歸雲夜散簷頭雨  
沃土人畊化外州野鶴報晴初蔓蔓良苗入望已油油  
詩成共識 皇情豫白藏新占歲有秋

恩賜佛手柑恭紀

筠籠珍重貢炎方，羅帕玲瓏照玉堂。  
縹蒂經時猶帶綠，芳苞映日已全黃。  
長隨錦荔迎涼到，遠勝新橙透甲香。  
別與傳柑增掌故，立秋時節賜山莊。

磁瓶草花

澗草巖花摘小叢，秘磁斟水愛青紅。  
不教開落塵沙畔，只似栽培雨露中。  
映壁數枝開曉日，入簾雙蝶帶西風。  
誰將蟋蟀籬邊景，移向灤河避暑宮。

秋海棠

小紅低映綠窻紗，昨歲開時正別家。  
白髮滿頭還自笑，塞山六月看秋花。

奉和 御製宮覽寺七言絕句敬次 上韻二

首

清磬和泉隔岸聞  
蒼松翠蘂散氤氳  
不知四面山重數  
遙指爐烟是碧雲

寶翰留題昔未聞  
麝煤龍餅氣氤氳  
祝釐老監今頭白  
特起香臺貯彩雲

陳潛齋前輩分餉柿子酒

小榼遙看走馬軍  
微風先為送奇芬  
行廚洗盞湯初老  
隔幔呼燈日漸曛  
尚想青黃垂野徑  
忽驚紅綠眩微醺

東坡詩醉  
眼眩紅綠

從今細雨殘  
更後每到醒時  
定憶君

七月初五日 賜食蜜漬荔枝二首

嶺外未曾嘗小綠閩南猶記擘輕紅

石屏詩新來嘗小  
綠少陵詩輕紅擘

荔枝而今拜賜來天上他日嘗新歎轉蓬

蠟封蜜漬味全融秋暑初迴却扇風領取一襟冰雪意  
白銀盤映荔枝紅

### 蒙古貢馬

蒲梢不拒諸蕃貢印烙新加毛骨殊歛却霜蹄行駕鼓  
爛如雲錦看成圖駒駉廐應房星上首菅園開瀚海隅  
不比無羊歌考牧聖朝馬政在攻駒

### 七夕喀喇火屯雨後作

雕霧鷹風漲次寥一天秋意頓蕭蕭彩虹截斷遼西雨  
飛入銀河當鵲橋



賦野杏根

古根埋不爛，搜剔豈能辭。斑剝舊苔蘚，槎牙新菌芝。乾坤無棄物，研席得竒姿。自有天然質，何煩斧鑿為。

裕親王挽詩二首

旨作奉

禮絕三公上，親為萬乘兄。分忘敦棣萼，卹賜脩哀榮。

傍邛愁雲結，時回鑾淚雨傾。王計即日回都哭臨桐陰

留畫像存歿感，皇情上常命畫工寫御容與王並坐

愛如此

尚覺春秋富，俄驚泉路長。友于歸聖主，文獻失賢王。

海濶星沉象，天空雁斷行。舉朝哀挽切，感動為宸章。

雙塔峰歌

灤河之水鳴淙淙晨光欲透草木翳千巖浮動萬壑充  
十里霧濕三花髮陽烏展翹烟攄虹倒射石壁紛青紅  
中有兩峰迥不同向人騰躍比祝融歟初生時誰所鑿  
分而爲二疑靈窿自從巨斧開鴻濛勢欲復合難彌縫  
小者爲霍大者宮前高後亞兒隨翁其顛石筭各卓空  
如窳堵波剗圓穹其旁老松垂薤葱雨露已費千年功  
初從南麓瞻崇隆恍然御氣乘罡風青天一碧懸雙蓬  
仙舟出沒波濤洪形隨徑轉日在東併作高柱孤巒崢  
首末稍斂中微豐異哉三竅何玲瓏下空一門拆崆峒  
中央一綫星光通最上一穴磨青銅團團皎月非朦朧  
洞貫腹背豈羿弓誰與人力爭天工須臾位置移忽忽

左右互易驚愚矇漸行漸遠漸不窮回頭依舊藏霾霧  
我思佛力大且雄舍利所在塔廟崇十方照耀開盲聾  
僧伽興廢會有終豈如茲山嬾華嵩巍峩俯闢荆榛叢  
綿亘古塞接螭螭劫火不壞况兵戎地雖僻左秀獨衷  
昔名未彰今始蒙吾皇盛德邁帝鴻盡攝六合歸牢  
籠年年雅詩賦車攻山莊近在封域中已獲顧盼邀  
重瞳何須秩祀偕三公小臣作歌達聖聰特與此石  
慶遭逢

塞田雙穗嘉穀恭紀

屬車到處瑞徵竒嘉穀俗呼小米子欣看燕尾垂異畝比禾  
皆九穗連畦如麥總雙岐澤流膏雨珠兼玉譜入豳風

畫亦詩從此康年豈勝紀太平 天子是農師

蔣酉君為汪紫滄畫菜索題

君昔養親惟小園白菘紫芥供晨昏君今已食大官餼  
夢寐何曾忘此味秋來見菜應思鄉蔣家三徑吾求羊  
玉堂雲霧看落筆中有故畦風露香

二十七日發熱河

耿耿疎星曉泠泠白露秋 是日白露節 老松經燒斷頑石隘

溪流草苔沿籬屋人騎渡水牛塞田霜氣晚七月已全

收 曩時塞外六月已寒黍稷少熟今年七月杪尚未作霜故莊田倍收

八月初六日發唐山營初入蒙古界

興桓左界接遼陽千里中開雉兔塲邊戶生涯資射獵



天家旣脫變畊桑風馳屬國東西尉化被諸蕃部落王  
豐草長林皆禁籟遙看直北是龍荒

度汗鉄木兒嶺

一林榭葉一林楓半染青黃半染紅只道平沙隨地濶  
忽開絕境與天通冰霜氣候陽和裏金碧山川指顧中  
緩轡不知林壑險殊榮孰與六人同

嶺路險仄特命  
侍衛導臣等前行

初十日發擺波喀口

寒色馬殘歿重裘怯不勝嚴霜如薄雪細水作輕冰蕃  
部三千帳圍場百萬層遙看射生處旭日正東升

十一日 駐蹕巴林琅斯臺 上於附近山中

行圍 賜臣等全鹿一隻恭紀

雉尾雞翹曉望分旌旗高捲萬山雲威加草木秋行令  
禮重羆膺晝掩群從獸總歸司馬法 回鑣如策凱旋  
勳只慚未効三驅力拜 賜長先七校軍

額勒蘇臺聞雁有懷德尹時聞弟乞假將出都  
一聲哀響落秋旻列幕燈明夜向分倦枕何人還不寐  
望鄉有客最先聞路長遠海霜前月天偏陰方雪後雲  
附爾封書須早達人間兄弟有離群

十二日 駕幸額勒蘇臺大獵 召臣等觀圍

恭紀七言長歌一首

聖朝雄畧彌宇宙四海爲家同在宥行宮直過大青山  
纘武年年寓巡守川原蕃廡少甌脫邊障清寧罷烽堠

盡收種落當郊樊大展岡巒作靈囿涼秋八月商飈發  
霜氣凝巖冰未溜朝來下 詔大合圍草淺林疎宜往  
狩三千虎旅移前帳十萬龍驤出華廐竒毛箇箇五花  
文表貉揚旌徧巖岫層層葉幄絢紅紫面面山屏圍錦  
繡前行十里雪初晴千步塲如築新就遙看數騎林西  
麓畫裏依微人比豆雁行齒序列後先魚貫班聯隨長  
幼綿綿翼翼遠不斷整整斜斜近相湊須臾旋繞山之  
東觀者同時盡迴首舉鞭初可一二數錯落星文排列  
宿長松冠嶺嶺挿空人馬從空俄下走呼聲幾處震虛  
谷驚起雕翎落飛狄此時已有鹿斯奔闌入圍塲孤引  
脰東眺西顧迷所向首鼠張皇等鼯鼯魚麗鸛翼頃刻

成變幻圓方詎能究陣圖本是丘井法旌立和門嚴介  
冑合圍漸緊壤漸平匝布叢攢勢相繆不知鹿羣何處  
來俟俟儻儻紛邂逅麇麇麇麇麇麇麇麇麇麇麇麇麇  
麇希間偵伺前復却防內怔惶駭而驟渴舌長如飲澗  
垂野心思突重圍透天威奮武臨咫尺頓轡齊鑣不  
容竇神機獨握舉大綏衆志成城鹿為鏃虹流電掣忽  
飛鞚月滿弓開胥入殼逸足公然帶箭馳先聲所至隨  
弦仆一人獲雋萬人歡群祝君王千萬壽大詔旋  
輶不盡發餘勇猶浮袞龍袖網開一面頌皇慈節  
應騶虞叶仁獸雲收霧捲圍乍撤萬騎如風散晴晝小  
試真同掃塞氛盈庖豈獨充飮餼觀兵耀德典彌崇行



賞班餘功孰懋竊聞上古有大甸秋獮相傳本由舊青  
丘自欲吞雲夢吉日先頽卜庚戌漆沮甫草偶于畋悉  
率從王惟左右今之健兒千三百來自諸蕃踰尉候大  
共一千三百人皆出蒙古喀爾沁與諸部落期門將士但旁觀山立何曾技  
輕奏此皆 至尊善撫馭同軌歸誠車輻輳 國家恩  
澤浩如天蕃部寧非天所覆自然怵舞群用命王用三  
駟此其又車攻寧數小雅材羽獵應啣西漢陋矢詩橐  
筆本臣職况著征衣隨短後雖慚無力効爰鋌盛事千  
秋幸親覲

中秋節 恩賜月餅時果恭紀

列幕周廬白似銀中天夜氣肅鉤陳 皇衷尚感團圓

節時因俗親王未  
卜葬停止筵宴禮賜偏優侍從臣宮餅堆盤隨月彩

御園分果得時珍回思瓜豆田園味老去驚看節物新

是夜角火羅對月呈掌院揆公時奉使朝鮮初

還

年年別裏逢佳節令夕班荆又一竒玉兔銀蟾新 賜

餅是夕御賜大小月餅皆  
飾金彩宮殿為蟾兔之形錦囊珠笈舊題詩烏桓露

警三更夢碧海槎回八月期記取勒蘇山下路霜花壓

帳話高麗

十六夜撒勒巴爾吉對月

十分月到今宵滿一半秋從昨日過前一日  
秋分路轉溪山

鳴鼓角天垂障塞繞星河不愁織女機絲濕自咲姮娥

白髮多殘醉易醒宮漏永青綾無寐欲如何

十九日度生吉兔嶺

翠屏丹嶂四成圍見說前岡雉兔肥山下忽逢沮洳水  
蘆花如雪馬頭飛

二十五日曉發舒庫里口

瞳瞳初日上天東一片秋光照耀同好是萬株紅葉滿  
已經霜後未經風

二十六日扈蹕至興安嶺有旨命臣等登

絕頂遠眺恭紀七律四首

崇岡斗起杳難攀翠罕華旌歲往還六合一家寧恃險  
九邊三面總無關龍沙展勢提封外鳥道盤空霄漢間

詔許重登峰頂望始知高出萬層山

忽開眼界向層巔指掌圖成立馬前東走陪京山委浪  
北踰瀚海地黏天牛羊白散千屯雪草木青田萬竈烟  
四十九藩齊望幸呼嵩聲徹半空傳

甲帳辰旗紫邏長極天晴色辨微茫黃榆不斷庭方路  
白日能消冰雪光獵騎嘶風爭北向野鷹隨雁亦南翔  
西山蒼靄遙相接直似登臨在帝鄉

輿圖遠闢古興安鳳舞龍迴氣鬱蟠半嶺出雲鋪大漠

喬松落葉倚高寒

嶺以北松皆落葉

丹青不數東南秀俯仰方

知覆載寬萬里乾坤千里目欣從竒險得竒觀

大風下興安嶺



崇岡無樹朔風寒直下真從井底看知是向南歸路近  
亂飛黃葉打征鞍

二十八日

駐蹕伊遜河源

上親射石熊以

熊掌 頒賜臣等恭紀長歌

千峰萬峰爭落木秋聲蕭蕭氣肅肅連朝纘武大掩群  
殫盡山中雪斑鹿西風卷地餘怒號虎豹股栗豺狼逃  
老熊何物敢自匿出林獨叫求其曹 天威赫業揚雲  
罕搗穴直窮熊所館公然人立向人啼正值凋弓彀初  
滿皮毛與石孰比堅不聞射石石亦穿須臾三發三命  
中搖尾大似求哀憐忽看趨捷如猿鳥騰上千年松樹  
杪神機別以火器攻霹靂斜飛貫脰腦半空拗折青珊

瑚松耶熊耶墮地俱 皇心因材有生殺 倔强那得逃  
天誅雉飛兔走清林莽 重馬馱來徧行賞 驚性寧非恃  
爪牙焚身至竟因 踏掌馳蹏鹿尾猩 猩唇舊傳此味配  
八珍大庖祇合供 御饌榮施何幸加 詞臣臣聞南山  
之下渭水濱 從禽搏獸空鋪陳 賦家漫誇三十六 終日  
射侯原非真 豈如吾 皇勇且仁 除兇服猛胥 躬親已  
靖六合無纖塵 山林兼使異獸馴 他年珥管紀上瑞 郊  
藪行見遊麒麟

賜觀紫騮 御馬恭紀十韻

御馬紫騮名牽來 左右驚無疆 全地道至健 配天行出  
應房星瑞時逢 朔漠清風雲開萬里日 月夾雙睛濶步

無谿塹深觀識性情馴良由駕馭神駿本生成往往從  
蒐獮悠悠逐旆旌勢隨龍象蹴氣躡虎狼平按轡千林  
肅回鑿六幘晴啣 恩何以報戀 主每長鳴

九月初三日

東宮行圍召觀殺虎恭紀

連岡若環斷若玦猛虎一聲蒼石裂千狐百貉走且僵  
獨踞巒岼為窟穴 儲君英武如吾 君六鈞親挽古

未聞年年侍輦出狩獵手搏奚止什伯群餘威所臨氣  
先壓弓未離囊箭猶插星流一點綠沈槍刺虎真同捉  
鵝鴨黑文白額光斑斕毛血映徹朱旗殷豐杠重馬挾  
以至衝颺霍霍來陰山羽林奏刀技神速理解肌分同  
破竹憐渠故是獸中雄特命留皮瘞其肉大哉利溥仁

人言麟趾原從聖澤論一片文茵常在 御半丘白骨  
更啣 恩臣工侍觀咸動色殺物之中昭震德不知看  
射向山南何似隨圍來塞北

初六日隨 東宮射獵蒙 賜全鹿野雉恭紀

十首

瑠戈豹韃導中央 特許詞臣列兩旁昨日山中親射  
虎近前指與舊圍場

林深谷邃轉坡坨黃葉聲中掣電過一箭攔回飛走路  
隨身數騎尚嫌多

蒼鹿年深雪作斑洞胸飲羽突希間別教羽衛追風逐  
天馬如龍又過山



射雉仍開八札弓，離披彩羽隨晴空。  
欲知官筭長多少，五寸雕翎帶血紅。

英姿雄略似吾皇，連日分圍獵澗岡。  
赤豹黃羆皆進御，充庖一味不私嘗。

一色明駝倒載來，獵塵收處夕陽開。  
翠屏萬仞紅雲外，別領旌旗小隊回。

重輪長傍紫薇垣，侍輦歸仍侍寢門。  
每聽雞鳴親視膳，豫遊原不廢晨昏。

德脩才全左右宜，家傳真得帝王師。  
萬鈞腕力強於弩，朝射貔貅夜賦詩。

割鮮分肉快何如，馬後捎來拜賜餘。  
今日塞垣親扈

蹕去年京洛正騎驢

平生未習穿楊技老去空存見獵心  
慚愧書生叨異數  
酬 恩無地感 恩深

重九雪後汗鐵木嶺觀獵二首

銀麀縞鹿挺鬚岿重展圍場勢更寬  
十萬羽林齊挾矢  
只教六騎作旁觀

芼鱸虀蠃愛新霜每到登高必望鄉  
誰料烏桓山外路

萬峯踏雪過重陽

前二日大雪

十二日 上親射金錢豹恭紀十八韻

朔漠回鑿候 君王罷獵時  
忽聞山下豹正逐草間麋  
詎縱顏行抗還將餘勇施  
三駟爭効命七校復揚旗  
金

欽定四庫全書  
御製詩集卷三  
一  
鏃霜花淬飛龍  
電影追應弦  
疑樹鵠拔箭已連  
毘直作  
摧窮寇真如殪  
伏雌右騶充上殺  
全質少微疵  
狸首斑  
斑血猫睛  
睜睜眇鬚雄  
粗縮蝟爪利  
善藏錐自匿  
荆榛  
窟初含霧雨  
姿氣曾吞虎兇  
力肯讓熊羆  
緩死俄無路  
偷生詎有期  
但令供獮狩  
猶得壯威儀  
鎗桿風搖尾  
鞍  
橋錦冒皮呈文  
留炳蔚取用及  
捐糜師武當  
關險兵韜  
示象竒小臣  
慚獻頌何異  
管中窺

十四日 駕發藍旂營乘舟網魚 命臣等沿

河騎隨 賜鮮鯉人各一尾恭紀

雪光晶晶山稜稜  
千山映雪朝日升  
灤河之水暖不冰  
剡舟剡楫凌空去  
三丈黃龍 帝親御川  
后前駢風伯

助峽形漸束波愈清潛鱗帖帖何敢驚人聲不聞聞水  
聲須臾船重 皇情樂啣尾駢頭來繹絡八紘一張魚  
載躍鯨鱮鯉旨且多義不盡取收網羅滿渠新漲餘  
天波詞臣拜 恩已無算復 賜紅鱗長尺半馬上携  
歸萬人看

是日中途 命侍衛射虎復 召臣等同觀恭

紀

後殺豹先殺熊陰方凜凜生寒風先殺熊後殺虎積雪  
皚皚膜强弩 君王威德彌寰宇坐致遐方歌樂土闢  
田築室藝稷黍猛獸寧容此偏處爾牙如鋸我鏃鋸焚  
林盪谷期盡殲溪東距溪西相望十餘里忽聞響應徹



山顛 天語遙傳順風耳

西洋人所製

六飛所幸成坦途

冥頑何物乃負隅期門壯士能手搏奉令何異天行誅  
天生 聖人能格物禱杙窮竒情狀悉耳端一缺戕一  
人厥罪昭然何待詰自從殺此虎邊牧蕃雞豚自從殺  
此虎莊戶長子孫黃熊赤豹同噬吞腥風掃盡無一存  
小臣穉眼嗟未見談虎尋常色為變此來快觀三害除  
直似陪遊向畿甸

十七日度小青山

去日蕉衫暑雨收歸時急雪灑重裘重經司馬臺南路  
紅樹蓮山正晚秋

入古北口

金支影轉翠微間，萬馬驕嘶並入關。  
雉堞連雲軍角壯，虎牙憑險戍旗閒。  
西風漸老河邊柳，積雪回看塞外山。  
正是秋清好時節，六龍行狩扈南還。

過牛欄山下二首

青山缺處吐孤城，行到牛欄路更平。  
一片黃榆綠槐影，白狼河畔作秋聲。

白酒黃花興未違，一鞭新白塞垣歸。  
短裘衝過重陽雪，又向京華換袂衣。

十月初十早入直蒙 恩賜帶數珠恭紀

星聯珠貫入承明

是日同直  
共七人

章服驚叨四品榮，一串牟尼呈五色。

同時裘飾祭三英，循環豈易充臣數。祝

聖惟當轉佛名長恐維鶉訊不稱也如老馬錫繁纓

房師汪東山先生請假奉太夫人南還留秋帆

圖卷子命題敬賦四絕句

秋興賦罷賦閒居首路爭看侍板輿此樂季鷹渾未識  
區區歸計爲鱸魚

一聲天上聽臚傳小住蓬山已四年來與鄉人重換眼  
五湖別自有神仙

宦海茫茫詎有涯急流幾箇赴歸期霜前吾谷秋如錦  
算是扁舟到岸時

一條清况冷冰銜十幅西風穩布帆公去我留緣底事

擬因苦筭脫朝衫

用黃山  
谷語

題劉禹峯水邊行樂園小照二首

風酣綠浪紅蕖雨洗蒼苔碧梧萬口詩傳京洛半生夢  
落江湖

菱租舊輸篋社魚計新收白田隔浦三間書屋過橋一  
隻畫船

雪後下直口占

徐躡禁中雪遠看城上山宮鴉巧相背晨出暮飛還

題許有介先生冊子

事出先賢傳名從獨行敦眼着蒼舊盡心慕典刑尊逸  
品傳書畫餘風付子孫淋漓浮墨汁中有不亡存

賀張志尹前輩生子



鄧藝馮經孰擅場乃翁才藻世無雙祝兒他日無多語  
七歲能文似曲江

賦得深屋喜爐溫

幾重簾幙幾重茵深掩紗窓淨少塵  
鴿炭燄紅寒漸減鵲爐灰白煖初勻  
三冬不納冰霜氣一室能回天地春  
應念五更騎馬出銅街已有趨朝人

題元人風雨歸舟圖

遙山澹抹近山遮一棹飄然水一涯  
似有風聲隨雨到忽疑雨勢受風斜  
白蘋洲畔年年客黃葉村邊處處家  
身在畫中渾不覺却教人指畫圖誇

十二月初九大雪獨直南書房有懷陝西隨

駕諸君

雲海平鋪釦砌寬  
六花如絮點裘乾  
金猊坐擁玲瓏石  
玉蝶爭飛宛轉欄  
雲護蓬萊長覺曉  
樹當溫室不知寒  
此時最憶隨鑾客  
少室中條並轡看

前一日聞  
駕已涖中州

送楊遠卿之任武昌

去年訪君過維揚  
今年送君向武昌  
江湖不到塵土眼  
遠夢夜落鳧魚鄉  
洲邊芳草城邊柳  
騎鶴仙人重出守  
洞庭春水際瀟湘  
大別青山橫沔口  
烟花三月畫船開  
王程不用廠鼓催  
到官好尋陶庾蹟  
歷郡正賴龔黃才  
才多政簡無不可  
列戟凝香但安坐  
閒携賓從上南樓  
倘有新詩應憶我

除夕前一日蒙 恩賜羊鹿雉兔鮮魚鹿尾上

尊諸品恭紀二首

山海奇珍鼎味充上尊羅列歲時同斑龍肥并光相耀

彩羽文鱗澤並豐 頒賜例隨台輔後自大學士張玉書陳廷敬以下

被賜者凡十三人臣與焉 謝 恩多在直廬中一年濫竊官廚饌

素食能無愧國風

豐杠錦帕壓重重節假歸沾 湛露濃雕俎味新調翠

釜玉泉香煖拆黃封鄉風未敢分僚友蘇軾餽歲詩亦欲舉鄉風 家

祭先應薦祖宗却為思親成感涕 君羹歸遺去聲已無

從

敬業堂詩集卷三十